


天官

大宰

小宰

官正

官伯



何氏曰按周禮得于秦火之餘簡編朽折散亂六官之文互相錯雜地官所屬半為冬官之文蓋編書者以司空掌邦土而土即地也故凡山川土地稼穡之事悉歸諸地官以此紋誤而冬官闕焉漢儒承訛踵謬莫覺其非其所訓釋不過隨文生義而已至宋淳熙間臨川俞庭椿始悟冬官不亡而刪

周禮疏 上函

周禮正義序

唐散騎大夫行太學博士弘文館學士臣賈公彥等奉勅撰

夫天育蒸民無主則亂立君治亂事資賢輔但天皇地皇之日無事安民降自燧皇方有臣矣是以易通卦驗云天地成位君臣道生君有五期輔有三名註云三名公卿大夫又云燧皇始出握機矩表計實其刻日蒼牙通靈昌之成孔演命明道經註云拒燧皇謂人皇在伏羲前風姓始王天下者斗機云所謂人皇九頭兄弟九人別長九州者也是政教君臣起自人皇之世至伏羲

周禮疏序

及古

地官封人載師以下二十三官
歸諸司空又取掌土之職見
于他官者以補之作復古編
朱子深取其說嘉熙間永
嘉王次點又作周禮補遺
多祖俞氏之說而司徒司空
之職掌稍正矣至元臨川吳
幼清又刪鄉師以下凡非教事
者盡歸之司空以為司空亦
嘗止而司徒之文實巨其存
者僅教章耳愚嘗合三家

之說而細繹之司徒為掌教
之官固也然先王未必因一
事設一官司馬掌兵而兼
論材任官之事司寇掌刑
而兼除妖為驅猛獸之事
六官之兼理者多矣司徒
之職實兼教養稷王命伯
剛為大司徒其曰弘敷五典
式和民則言教民之道也又
曰思其艱以圖其易民乃寧
言養民之道也况鄉大夫頒

因之故文耀鉤云伏羲作易名官者也又案論語撰考
云黃帝受地形象天文以制官伏羲已前雖有三名未
必具立官位至黃帝名位乃具是以春秋緯命曆序云
有九頭紀時有臣無官位尊卑之別燧皇伏羲既有官
則其間九皇六十四民有官明矣但無文字以知其官
號也案左傳昭十七年云秋郟子來朝公與之宴昭子
問焉曰少皞氏鳥名官何故也杜氏註云少皞金天氏
黃帝之子已姓之祖也郟子曰吾祖也我知之昔者黃
帝氏以雲紀故為雲師而雲名註云黃帝軒轅氏姬姓

之祖也黃帝受命有雲瑞故以雲紀事百官師長皆以
雲為名號縉雲氏蓋其一官也炎帝氏以火紀故為火
師而火名註云炎帝神農氏姜姓之祖也亦有火瑞以
火紀事名百官也共工氏以水紀故為水師而水名註
云共工以諸侯霸有九州者在神農前大皞後亦受水
瑞以水名官也大皞氏以龍紀故為龍師而龍名註云
大皞伏羲氏風姓之祖也有龍瑞故以龍命官也我高
祖少皞摯之立也鳳鳥適至故紀於鳥故為鳥師而鳥
名又云鳳鳥氏歷正之類又以五鳥五鳩九扈五雉竝

教法于鄉吏自遂人以至鄰
長皆柳遂之官所掌政令
禁戒得無有教法在其間
于自旅師以至委人所掌匪
頌賜委積之事非事職
所謂富邦國養萬民乎願
去聖既遠無所就正姑取
俞氏王氏之說依賈鄭之本
遂人以下附于司徒之後
以俟後之君子云

爲官長亦皆有屬官但無文以言之若然則自上以來
所云官者皆是官長故皆云師以目之又云自顓頊以
來不能紀遠乃紀於近是以少皞以前天下之號象其
德百官之號象其徵顓頊以來天下之號因其地百官
之號因其事事卽司徒司馬之類是也若然前少皞氏
言祝鳩氏爲司徒者本名祝鳩言司徒者以後代官况
之自少皞以上官數略如上說顓頊及堯官數雖無明
說可略而言之矣案昭二十九年魏獻子曰社稷五祀
誰氏之五官蔡墨對曰少皞氏有四叔曰重曰該曰脩

曰熙實能金木及水使重爲句芒該爲蓐收脩及熙爲
玄冥世不失眠遂濟窮桑此其三祀也註云窮桑帝少
皞之號也顓頊氏有子曰犁爲祝融共工氏有子曰句
龍爲后土此其二祀也后土爲社稷田正也有烈山氏
之子曰柱爲稷自夏以上祀之周棄亦爲稷自商以來
祀之故外傳犁爲高辛氏之火正此皆顓頊時之官也
案鄭語云重犁爲高辛氏火正故堯典註高辛氏之世
命重爲南正司天犁爲火正司地以高辛與顓頊相繼
無隔故重犁事顓頊又事高辛若稷契與禹事堯又事

舜是以昭十七年服註顓頊之下云春官爲木正夏官爲火正秋官爲金正冬官爲水正中官爲土正高辛氏因之故傳云遂濟窮桑窮桑顓頊所居是度顓頊至高辛也若然高辛時之官唯有重犁及春之木正之等不見更有餘官也至於堯舜官號稍改楚語云堯復育重犁之後重犁之後卽羲和也是以堯典云乃命羲和註云高辛之世命重爲南正司天犁爲火正司地堯育重犁之後羲氏和氏之子賢者使掌舊職天地之官亦紀於近命以民事其時官名蓋曰稷司徒是天官稷也地

官司徒也又云分命羲仲申命羲叔分命和仲申命和叔使分主四方註仲叔亦羲和之子堯旣分陰陽四時又命四子爲之官掌四時者字曰仲叔則掌天地者其曰伯乎是有六官案下驩兜曰共工註共工水官也至下舜求百揆禹讓稷契暨咎繇帝曰棄黎民阻饑汝后稷播時百穀註稷棄也初堯天官爲稷又云帝曰契百姓不親汝作司徒又云帝曰咎繇汝作士此三官是堯時事舜因禹讓述其前功下文云舜命伯夷爲秩宗舜時官也以先後參之唯無夏官之名以餘官紀之夏傳

云司馬在前又後代況之則義叔爲夏官是司馬也故分命仲叔註云官名蓋春爲秩宗夏爲司馬秋爲士冬爲共工通稷與司徒是六官之名見也鄭玄分陰陽爲四時者非謂時無四時官始分陰陽爲四時但分高辛時重犁之天地官使兼主四時耳而云仲叔故云掌天地者其曰伯乎若然堯典云伯禹作司空四時官不數之者鄭云初堯冬官爲共工舜舉禹治水堯知其有聖德必成功故改命司空以官名寵異之非常官也至禹登百揆之任捨司空之職爲共工與虞故曰垂作共工

益作朕虞是也案堯典又云帝曰疇咨若時登庸鄭註云堯末時羲和之子皆死庶績多闕而官廢當此之時驩兜共工更相薦舉下又云帝曰四岳湯湯洪水有能俾乂鄭云四岳四時之官主四岳之事始羲和之時主四岳者謂之四伯至其死分岳事置八伯皆王官其八伯唯驩兜共工放齊骸四人而已其餘四人無文可知案周官云唐虞稽古建官惟百內有百揆四岳則四岳之外更有百揆之官者但堯初天官爲稷至堯試舜天官之任謂之百揆舜卽真之後命禹爲之卽天官也案

尚書傳云惟元祀巡狩四岳八伯註云舜格文祖之年
堯始以羲和爲六卿春夏秋冬者并掌方岳之事是爲
四岳出則爲伯其後稍死驩兜共工求代乃置八伯元
祀者除堯喪舜卽真之年九州言八伯者據畿外八州
鄭云畿內不置伯鄉遂之吏主之案明堂位云有虞氏
官五十夏后氏官百殷二百周三百鄭註云有虞氏官
蓋六十夏百二十殷二百四十周三百六十不得如此
記也昏義云三公九卿二十七大夫八十一元士鄭云
蓋夏制依此差限故不從記文但虞官六十唐則未聞

堯舜道同或皆六十并屬官言之則皆有百故成王周
官云唐虞建官惟百也若然自高陽已前官名略言於
上至於帝嚳官號略依高陽不可具悉其唐虞之官惟
四岳百揆與六卿又堯典有典樂納言之職至於餘官
未聞其號夏官百有二十公卿大夫元士具列其數殷
官二百四十雖未具顯案下曲禮云六大五官六府六
工之等鄭皆云殷法至於屬官之號亦茂云焉案昏義
云三公九卿者六卿并三孤而言九其三公又下兼六
卿故書傳云司徒公司馬公司司空各兼二卿案顧命

太保領冢宰畢公領司馬毛公領司空別有芮伯為司徒彤伯為宗伯衛侯為司寇則周時三公各兼一卿之職與古異矣但周監二代郁郁乎文所以象天立官而官益備此即官號沿革粗而言也

周禮正義序

終

周禮註疏卷第一

漢鄭氏註

唐賈公彥疏

天官冢宰第一

○陸德明音義曰本或作冢宰上非餘卷放此

鄭目錄云

象天所立之官冢大也宰者官也天者統理萬物天子立冢宰使掌邦治亦所以總御眾官使不失職不言司者大宰總御眾官不主一官之事也

云象天者周天有三百六十餘度天官亦總攝三百六十官故云象天也云官者亦是管攝為號故題曰天官也鄭又云冢大宰官也者下註對大宰則云冢

者大之上此不對大宰故云冢大也宰者調和膳羞之名此冢宰亦能調和眾官故號大宰之官鄭又云

不言司者大宰總御眾官不主一官之事者此官不言司對司徒司馬司空皆云司以其各主一官

後世設官專治民事上古兼治天事故曰天官三公變理陰陽三孤寅亮天地是治天事也公孤官不必備惟其人無其人則以冢宰上兼公孤之職周公位冢宰正百工即其驗也冢宰得兼公孤則變理寅亮亦冢宰之職也惟官不必備故周官但舉六官不及公孤也

周禮六官取法天地四時家宰曰
天官以其總御眾官猶天道道
萬物也司徒曰地官以其安撫
民猶地之載養萬物也禮文
明府象春發生故宗伯曰春官
其職象赫象夏長盛故司馬
曰夏官刑罰嚴厲象秋肅殺
故司寇曰秋官奠民收居象冬
藏故司空曰冬官

居禮疏

卷之一

禮記

不兼羣職故言司此天官則兼攝羣職故不言司也
若然則春官亦不言司者以其祭祀鬼神非人
所主故亦不言司也其地官鄭云象地所立之官彼
言象地實主地事此天官言天直取總攝為言全無
天事天事又竝入於春官者言象天自取總攝為名
象地自取掌物為號名取一邊為義理無嫌也○第
一者第次也一者數之始也
次第之中處一故云第一也

鄭氏註

疏

鄭氏者漢大司農北海郡鄭冲之孫名
玄字康成註者於經之下自註已意使

經義可申故云註也孔君王肅之等則言傳傳者
使可傳述若然或云註或言傳不同者立意有異
無義例也

惟王建國

註

建立也周公居攝而作六典之職謂之周

禮營邑於土中七年致政成王以此禮授之使居繼

邑治天下司徒職曰口至之景尺有五寸謂之地中
天地之所合也四時之所交也風雨之所會也陰陽
之所和也然則百物阜安乃建王國焉
○王如字于
寶云王天子

之號三代所稱維音洛水名也本作洛後
漢都洛之陽改為維景京領反下皆同

曰自此以下至以為民極五句六官之首同此序者
以其建國設官為民不異故也王者臨統無邊故首

稱惟王明事皆統之於王王既位矣當擇吉土以建
國為先故次言建國於中辯四方正宮廟之位復體

國經野自近及遠也於是設官分職助理天工眾人
取中以為治體列文先後次第應然其實建國之初

豈未設官分職也直以作序之意主在設官分職為
民極耳故終言之惟王建國者言惟謂若尚書云惟

三月之類皆辭不為義建立也惟受命之王乃可立
國城於地之中必居地中者案尚書康誥云惟三月

及至

哉生魄周公初基作新大邑於東國洛鄭註云岐鎬
 之域處五岳之外周公於政不均故東行於洛邑今
 諸侯謀作天子之居據鄭此言則文武所居為非地
 中政教不均故居地中也案桓二年左氏傳云昔武
 王克商遷九鼎於洛邑則居洛本意至成
 王周公時恐天下為疑更與諸侯謀定之也若然五
 帝以降堯治平陽舜治安邑唯湯居亳得地中以外
 皆不得地中而政令均天下治者其時雖不得地中
 並在五岳之內又以民淳易治故不要在地中以周
 則不在五岳之內故鄭云岐鎬處五岳之外也
 建立至國焉。釋曰云周公攝攝而作六典之職謂
 之周禮者案禮記明堂位云周公攝攝而作六典之職謂
 樂頒度量於天下又案書傳亦云六年制禮作樂所
 制之禮則此周禮也又云而作六典者下文太宰之
 職掌建邦之六典天官治典地官教典春官禮典夏
 官政典秋官刑典冬官事典是六典之職也又云營
 邑於土中者即召誥云王來紹上帝自服於土中是
 也又云七年致政成土者明堂位文必七年者洛誥

云誕保文武受命惟七年鄭注以文武受命七年而
 崩周公不敢過其數也又云以此禮授之使居維也
 治天下者此鄭解周公制禮必兼言建國於洛邑之
 意案尚書洛誥云周公曰孺子來相宅亂為四方新
 辟是使居洛邑也下云惠篤敘無有遘自疾是授以
 此禮使行之也又案書傳云一年救亂二年伐殷三
 年踐奄四年建侯衛五年營成周六年制禮作樂七
 年致政成王鄭用此文則四年封康叔於衛為建侯
 衛案康誥云周公初基作新大邑洛謂初為基址之
 處至五年內營之是以書傳云五年營成周成周與
 王城同時營則五年營洛邑與孔安國為營洛邑封
 康叔制禮作樂同是攝政七年異又引司徒職曰日
 至之景尺有五寸謂之地中彼先鄭註云土圭之長
 尺有五寸以夏至之日立八尺之表其景適與土圭
 等謂之地中今潁川陽城地為然天地之所合者則
 禮記郊特牲云天地合萬物生謂天地配合萬物以
 生是也四時郊者則尚書云宅南交孔云夏與春交
 舉一隅若然則秋與夏交冬與春交可知也又云風

雨之所會者謂若禮記禮器云風雨時即謂風雨會時也陰陽之所和者謂若昭四年申豐云冬無愆陽夏無伏陰二氣和順也然則百物阜安者阜盛也然猶如是如是於地中得所故百物盛安也乃建王國者於百物盛安之處乃立王國王國則洛邑王城是也鄭引此者破賈馬之徒建國為諸侯國此六官同序皆云建國豈王國未立先建諸侯國乎明不可也

辨方正位
註 辨別也鄭司農去別四方正君臣之位君南面臣北面之屬玄謂考工匠人建國水地以縣置槩以縣視以景為規識日出之景與入日之景晝參諸日中之景夜考之極星以正朝夕是別四方召誥曰越三日戊申太保朝至于維十宅厥既得卜則經營越三日庚戌太保乃

以庶殷攻位於維汭越五日甲寅位成正位謂此定

宮廟。辨本亦作辯徐邈劉昌宗皆方免反一音平勉反別彼列反下同縣音玄下同槩魚列反下

同召誥上上詔反下古之辨方正位。釋曰謂建國報反大音泰汭人鏡及之辨別也先須視日景以別東西南北四方使有分別也正位者謂四方既有分別又於中正宮室朝廷之位使得正也。辨別至宮廟。釋曰辨別也此直訓不釋者司農云別四方義當矣故康成訓之也鄭司農者鄭眾字仲師但周禮之內鄭康成所存注者有三家司農之外又有杜子春鄭大夫者鄭少穎二鄭皆康成之先故言官不言名字杜子春非已宗故指其名也司農云正君臣之位君南面臣北面之屬者案易緯乾鑿度云不易者天在上地在下君南面臣北面父坐子伏司農據而言焉玄謂者大略一部之內鄭玄若在司農諸家上注者是玄注可知悉不言玄謂在諸家下注者即稱玄謂以別諸家又在諸家前注者是諸家不及古

釋者也又在諸家下注者或增成諸家義則此司農云別四方於文不足引考工記以證之是也或有破諸家者則此司農正位謂正君臣面位引召誥為宮室朝廷之位破之是也考工匠人建國水地以縣者謂水平之法在地曰繫以繩縣於繫上然後從旁以水望縣即知地之高下而平之也又云置繫以縣者既平得地欲正其東西南北之時先於中置一繫恐繫下不正先以縣正之繫正乃視以景景謂於繫端自日出畫之以至日入即得景為規識之故云為規識日出之景與日入之景規之交處即東西正也又於兩交之間中屈之指繫又知南北正也仍恐不審晝參諸日中之景夜考諸北極之星以正朝夕乃審矣引召誥以下者案召誥惟太保先周公相宅越若來三月惟丙午朏越三日戊申太保朝至于洛汭卜宅此言越三日戊申者從三月丙午朏朏明生之名月三日也則越三日戊申月五日召公至洛汭也又云越三日庚戌太保乃以庶殷攻位于洛汭月七日也越五日甲寅位成月十一日也皆通本數之也官

室朝廷之位皆成也引之者證正位謂此宮室位破司農為君臣父子之位以其國家草創下論體國經野理應先定宮廟等位豈有宮廟等位未成先正君臣面位乎又與匠人建國次第不合故鄭依匠人之次及召誥之文為定宮室之位案左氏莊公傳云水昏正而裁知是十月始興土功今於三月為洛邑者左傳用十月是尋常法今建王城遠述先體國經野君之志是興作大事不可以常法難之也

註 體猶分也經謂為之里數鄭司農云營國方九里

國中九經九緯左祖右社面朝後市野則九夫為井

四井為邑之屬是也。體鄭云體猶分也于

釋曰體猶分也國謂城中也分國城之中為九經九緯左祖右社之屬經謂為之里數此野謂二百里以外三等采地之中有井田之法九夫為井井方一里之等是也。體猶至是也。釋曰言體猶分者

謂若人之手足分爲四體得爲分也經謂爲之里數者此據野中而有井方一里之等故經爲里數解之司農云營國方九里已下並各官考工記匠人文彼云營國方九里旁三門旁謂四方方三門則王城十二門門有三道三三而九則九道南北之道謂之經東西之道謂之緯經緯之道皆九軌又云左祖右社者此據中門外之左右宗廟是陽故在左社稷是陰故在右面朝後市者三朝皆是君臣治政之處陽故在前三市皆是貪利行刑之處陰故在後也又言野則九夫爲井此是地官小司徒職文彼云乃井牧其田野九夫爲井四井爲邑四邑爲丘四丘爲甸四甸爲縣四縣爲都也井方一里邑方二里丘方四里甸方八里縣方十六里都方三十二里引彼文略故云之屬兼之也案載師職云家邑任稍地小都任縣地大都任置地若畿內鄉遂及四等公邑皆爲溝洫法無此方里爲井之事家邑小都大都三等采地乃有方里爲井之屬但郊外曰野大總言耳散文國外則曰野故鄉大夫職云國中七尺野自六尺是城外則

經中野對國言之謂國外則曰野但鄭據小司徒成文而言設官分職註鄭司農云置冢宰司徒宗伯司馬司寇司空各有所職而百

事舉

○釋曰此謂設天地四時之官即六卿也既有其官須有司職故云各有所職職謂主也天官主治地官

主教春官主禮夏官主政秋官主刑冬官主事六官官各六十則合有三百六十官官各有主故云百事

舉以爲民極

○令力

○則亂是以立君治之君不獨治也又

當立臣爲輔極中也言設官分職者以治民令民得

其中正使不失其所故也○極中也至其所○釋曰極中也爾雅文案尚書洪範云皇建其有極惟時厥庶民於汝極謂皇建其有中之道庶民於之取中

案尚書洪範云皇建其有極於下人各得其中不失所也乃立天官冢宰使帥其

屬而掌邦治以佐王均邦國註掌主也邦治王所以

治邦國也佐猶助也鄭司農云邦治謂總六官之職

也故大宰職曰掌建邦之六典以佐王治邦國六官

皆總屬於冢宰故論語曰君薨百官總已以聽於冢

宰言冢宰於百官無所不主爾雅曰冢大也冢宰大

宰也○鄭云宰主也干云濟其清濁和其剛柔而納

之中和曰宰○治直吏反注邦治下治官皆同

大宰音泰注乃立至邦國○釋曰六官皆云乃立

及後放此註者以作序之由本序設官之意故先

云以為民極次云所設之官故皆云乃立騰上起下

之辭也天官冢宰者據下注而言則此言冢宰者據

總攝六職若據當職則稱大宰也使帥其屬案小宰

六屬而言則此屬唯指六十官之屬也掌邦治者掌

主也言主治則兼六官以其五官雖有教禮政刑事

不同皆是治法也云佐王均邦國者以大宰掌均節

財用故也周禮以邦國連言者據諸侯也單言邦單

言國者多據王國也然不先均王國而言均邦國者

王之冢宰若言王國恐不兼諸侯今言邦國則舉外

可以包內也註掌主至宰也○釋曰玄云邦治王

所以治邦國也者此即司農所引大宰職佐王治邦

國一也但司農雖引之不指釋此經邦治故玄就足

之司農引論語者欲見天子冢宰兼百官之義言百

則三百六十亦一也且論語言君薨據諸侯言冢宰

百官據天子互言之者欲見天子諸侯君死世子

治

治

治

治

治

治

治

治

治

治

治

治

治

治

治

治

治

治

治

治

治

卿即上大夫大宰官也卿爵也下士所治事煩故其負倍於中士而謂之旅

註

變冢言大進退異名也百官總焉則謂之冢列職

於王則稱大冢大之上也山頂曰冢旅衆也下士治

衆事者自大宰至旅下士轉相副貳皆王臣也王之

卿六命其大夫四命士以三命而下為差音二○貳徐

治官至二人○釋曰上經所陳立官所掌有異此經

陳官有尊卑多少轉相副貳之事也言治官之屬者

此為六十官之首別言治官之屬一句與下六十官

為目以總是治官不得唯指此一經至旅下士三十

有二人而已凡官尊者少卑者多以其卑者宜勞尊

者宜逸是以下士稱旅以其理衆事故特言旅也小

宰與大宰同名大小為異故鄭注禮記王制引此六

卿下中大夫十二人為十二小卿以其宰夫是大宰

之考謂若地官之考為鄉師春官之考為肆師夏官

之考為軍司馬秋官之考為士師冬官之考為匠師

以其掌事不與大官同故異大官也宰者調和之名

夫者治也以其治此一官所主事也○**註**變冢至為

差○釋曰變冢言大者上唯云冢宰此唯云大宰是

變冢言大也云進退異名者即百官總焉謂貳王治

事總攝三百六十官則謂之冢是進退異名也列職于

王則謂之大者不總百官與五卿並列各自治六十

官則退異名也若然總百官則稱冢以其天官象天

覆萬物案經大宰職曰凡邦之小治冢宰聽之是專

司豐疏

卷之一八

及古

漢唐猶得古意樣史皆自
辟除

冢又在頂證冢在大上之意也又云旅眾也下士治
眾事者欲見尊官逸甲官勞之意也又云自大宰至
旅下士轉相副貳皆王臣也者大卿一人小卿則二
人已下皆去上一倍者是轉相副貳也言王臣者自
士以上得王簡策命之則為王臣也對下經府史胥
徒不得王命官長自辟除者非王臣也又云王之卿
六命其大夫四命者典命文大夫無中下之別案序
官則有中下大夫則四命大夫自分為中下似若侯
伯同七命子男同五命爵則有高下不同也士以三
命為差但典命直見公卿大夫命者欲見有出封之
事故彼云其出封皆加一等士爵卑無出封之理故
不言也彼士之命數既不言知三命以下者正見序
官有上士中士下士三等典命除六命四命無三命
一命一命鄭則約之上士為三命中士為再命下士
為一命若然王朝三公八命卿六命大夫四命皆為
陰爵以待出封為諸侯乃為陽爵九命七命五命士
既不得出封故在王朝有三命亦為陽爵無嫌也
府六人史有十二人
註

府治藏史掌書者凡府史皆其官長所自辟除
註府治至
二人。釋曰府治府藏史主造文書也。○**注**府治至
除。釋曰案下宰夫八職云五日府掌官契以治藏
六曰史掌官書以贊治故鄭云府治藏史掌書又云
官長所自辟除者官長謂一官之長若治官六十其
下府史皆太宰辟召除其課役而使之非王臣也周
禮之內府史太例皆府少而史多而府又在史上唯
有御史百有二十人特多而在府上鄭云以其掌贊
書數多也又有府兼有史以其當職事繁故也或空
有史而無府者以其當職事少得史即足故也至於
角人羽人等直有府無史以其當職文書少而有稅
物須藏之故直有府也腊人食醫之等府史俱無者
以其專官行事更無所須故也周禮之內唯有天府
一官特多於史以胥十有二人徒百有二十人
註此

民給徭役者若今衛士矣胥讀如譖謂其有才知為
其所藏物重故也

什長。胥。鄭徐劉思敘反威思餘反。胥十至十人。才智為什長徒給使役故一胥十徒也。釋曰胥有什長。釋曰案下宰夫八職云七日胥掌官敘以治敘八日徒掌官令以徵令鄭云治敘次序官中如今待曹伍伯傳吏朝也徵令趨走給招呼案禮記王制云下士視上農夫食九人祿足以代耕則府食八人史食七人胥食六人徒食五人祿其官竝亞士故號庶人在官者也鄭云若今衛士者衛士亦給徭役故舉漢法况之又云胥讀如謂謂其有才智為什長者案周室之內稱胥者多謂若大胥小胥胥師之類雖不為什長皆是有才智之稱彼不讀從謂從此讀可知唯有追胥胥是伺搏盜賊非有才智也易歸妹六以須許云須才智之稱天文有須女屈原之姊名女須從須字此與異者蓋古有此二字通用俱得為有才智也周禮上下文有胥必有徒胥為什長故也胥人之類空有徒無胥者得徒則足不假長帥故也食醫之類胥徒竝無者以其專官行事不假胥徒也

宮正上士二人中士四人下士八人府二人史四人胥

四人徒四十人

正長也宮正主宮中官之長。正。此。官。正。上。士。至。十。人。釋。曰。上。大。宰。至。旅。下。士。總。注。則。各。於。其。職。前。列。之。

以下鄭總列六十職序于。宮正上士至十人。釋。事緩急為先後故自宮正至宮伯二官主宮室之事安身先須宮室故為先也自膳夫至膳人皆供王膳羞飲食饌具之事人之處世如安與飽故食次宮室也自醫師已下至獸醫主療疾之事有生則有疾故醫次食饌也自酒正至宮人陳酒飲肴羞之事醫治既畢須酒食養身故次酒肴也自掌舍至掌次安不忘危出行之事故又次之自大府至掌皮竝是府藏計會之事既有其餘理須貯積或出或內宜計會之故相次也自內宰至屨人陳后夫人已下內教婦功婦人衣服之事君子明以訪政夜以安息故言婦人於後也夏采一職記招魂以其死事故於末言之也

此宮正并下宮伯雖俱訓為長其義則異若宮止則
主任三宮卿大夫士之身故為宮中官之長故其職
云以時比宮中之官府故宮伯所長者亦掌之故言
正長也宮伯云長者直主宮中卿大夫士之適子庶
子行其秩敘授其舍次之事亦得為長故云伯長也
宮正上士二人為官首中士四人為之佐下士八人
理眾事府二人主藏文書也史四人主作文書胥四
人為什長徒四十人給徭役諸官體例言府史胥徒
之義皆然不可文文重釋他皆放此周禮之內宗伯
之類諸言伯者伯長也以尊長為名縣師之類言師
者皆取可師法也諸稱人者若輪人車人腊人鼈人
之類即冬官鄭云其曰某人者以其事名官言氏者
有二種謂若桃氏為劔築氏為削之類鄭注冬官族
有世業以氏名官若馮相氏保章氏師氏保氏之類
鄭注引春秋官有世功則有官族是也諸稱司若司
裘司市之類言司者皆是專任其事事由於已故以
司言之也諸典婦功典絲典枲之類言典者出入由
已課彼作人故謂之為典也諸稱職者謂若職幣職

內職歲財不久停職之而已凡云掌者有三義一者
他官供物已則斲掌之而已若幕人供帷幕幄帟掌
次張之也二則掌徵斂之官若掌皮掌染草之類是
也三者掌非已所為則掌節掌固掌疆本非已造廢
壞修之而已也自外不稱典司職掌者皆是逐事立
名以義銓之可曉也凡六官序官之法其義有二一
則以義類相從謂若宮正宮伯同主宮中事膳夫庖
人外內饗同主造食如此之類皆是類聚羣分故連
類序之二則凡次序六十官不以官之尊卑為先後
皆以緩急為次第故此宮正之第士官為前內宰等
大夫官
為後也

宮伯中士二人下士四人府一人史二人胥二人徒二

十人
伯長也

膳夫上士二人中士四人下士八人府二人史四人胥

周禮疏 卷之二十一 及古

日膳夫至膳人皆供王膳羞飲食
器具之事

正氏曰膳夫以下庖人亨人等官
以事為之而屬之冢宰以人君一身
之軍萬姓之主飲食不可輕也王
養之椒酒梁羹之煮餅皆因飲
食以詳大惠使周公之法行寧有
其禍乎

十有二人徒百有二十人膳之言善也今時美物

曰珍膳膳夫食官之長也鄭司農以詩說之曰仲允

膳夫膳上戰反膳之至膳夫釋曰言膳夫食官

為長也司農引詩云者是小雅刺幽王詩
膳夫仲允為之引證與此膳夫為一事也

庖人中士四人下士八人府二人史四人胥八人胥四

人徒四十八庖之言苞也裹肉曰苞苴賈主市買

知物質庖徐扶交反賈八人鄭徐音古劉音

之至物質嫁下放此裏音果苴子餘反物賈音嫁

人主六獸六禽以供庖厨有裹肉之意也又云裹肉
曰苞苴者詩云野有死麕白茅包之禮記內則云炮
取豚若將編萑以苴之皆是裹肉之物故云裹肉曰

苞苴也又云賈市買知物質者下文九職鄭注行曰
商處曰賈賈乃在市而處者故知物質此特有賈人
者庖人牲當
市之故也

內饗中士四人下士八人府二人史四人胥十人徒百

人饗割亨煎和之稱內饗所主在內○饗鄭於容

反劉普孟反饗割至在內釋曰饗和也熟食

稱尺證反曰饗熟食須調和故號曰饗其職云

掌王及后世子之割亨割亨則須煎和故云割亨煎
和之稱又云所主在內者以其掌王及后世子及宗
廟皆是在
內之事

外饗中士四人下士八人府二人史四人胥十人徒百

人外饗所主在外○外饗所主在外。釋曰案
其職六掌外祭祀及邦饗孤

司豐流
卷之一十二
及古蜀

子者老割亨皆是在外之事故云所掌在外也此饗有内外可對故云内外饗至於內宰內豎內司服自掌婦人之事而稱內不對外為名也

亨人下士四人府一人史二人胥五人徒五十人註主

為外內饗煮肉者○亨劉普庚反為于偽反下為主同註主為至肉

職云給外內饗亨事故云為外內饗煮肉也

甸師下士二人府一人史二人胥三十人徒三百人註

郊外曰甸師猶長也甸師主共野物官之長○甸田

音恭下皆同註郊外至之長○釋曰案戴師云任近郊

即在百里遠郊外天子藉田又在南方甸地故稱此官為甸師也然此官主地事不在地官者以其共野

之薦又給薪蒸以供亨饌故在此次亨人也又云

供野物官之長或云與地官掌葛掌炭掌蜃委人等

同掌供野物故與彼官為長若然彼屬地官此屬天

官越分相領恐理不愜此甸師當與下獸人已下亦

供野物為長也故下數職注不言長明甸師與之為

長但獸人等中士此為下士下士得與中士為長者

如大史下大夫內史中大夫鄭云大史史官之長彼

下大夫與中大夫為長此下士亦與中士為長有何

嫌也徒三百人特多者天子藉田千畝藉借此三百人耕耨故多也

獸人中士四人下士八人府二人史四人胥四人徒四

十人註獸人○釋曰案其職云掌畧田獸

獻人中士二人下士四人府二人史四人胥三十人徒

三百人○獻音魚本又作魚亦作獻同又音御註獻人○釋曰案其職

獻王鮪亦供魚物故在此也徒亦三百人者馬融云池塞苑園取魚處多故也

鼈人下士四人府二人史二人徒十有六人

○鼈必疏

鼈人○釋曰案其職云祭祀供廬贏蜺亦是供食物故在此也

腊人下士四人府二人史二人徒二十人

腊之言夕

也○腊音昔疏於夕乃乾故云腊之言夕也乾曰腊朝曝

乾成義亦通也以其供脯腊臠胖食物故亦在此色也

醫師上士二人下士四人府二人史二人徒二十人

醫師衆醫之長疏醫師○釋曰案其職云掌醫之政者醫亦有齊和飲食之類故設在飲食之間也

令聚毒藥以供醫事諸醫皆在此

醫師至數醫皆主原疾之

食醫中士二人

食有和齊藥之類○和胡臥反疏食

○釋曰案其職云春多酸夏多苦之等皆須齊和與藥故同鄭云食有和齊藥之類故在醫官之內也

疾醫中士八人

疾醫○釋曰案其職云掌養萬民之疾病故連類在此

醫瘍下士八人

瘍創癰也○瘍音羊反疏瘍醫○釋曰

腫瘍潰瘍之等故亦連類在此○注瘍創癰也○釋曰案禮記上曲禮云頭有創則沐身有瘍則浴案其職有腫瘍等四種之瘍注潰則未必有膿也故亦連類在此也

獸醫下士四人

獸牛馬之類注獸牛馬之屬○釋曰案爾雅在野曰獸

在家曰畜畜獸異矣而言獸牛馬者但此職云主治牛馬未必治其野獸而以牛馬為獸者對文則畜獸異散交通故爾雅又云兩足而羽謂之禽四足而毛謂之獸既不別釋畜則獸中可以兼牛馬是其牛馬

司豐流卷之一十四及古

亦有畜稱故云獸牛馬也

酒正中士四人下士八人府二人史八人胥八人徒八

十人註酒正酒官之長註酒正止十人。釋曰案其

授酒材與膳食相將故在此。註酒正酒官之長。釋曰此酒正與下酒人漿人爲長注雖不言漿文略也。

酒人奄十人女酒三十人奚三百人註奄精氣閉藏者

今謂之宦人月令仲冬其器闔以奄女酒女奴曉酒

者古者從坐男女沒入縣官爲奴其少才知以爲奚

今之侍史官婢或曰奚宦女註奄於檢反劉於驗反徐於劔反奚如字。明

酒正至宮人陳酒飲有羞之

夫反坐註酒人至百人。釋曰奄十人以其與女酒才臥反註及奚同職故用奄人奄不稱士則此奄亦

府史之類以奄爲異也言女酒三十人則女酒與奚爲什長若胥徒也奚三百人以其造酒故須人多也

註奄精至宦女。釋曰案月令冬三月皆云其氣闔以奄獨引仲冬者以其十一月陽初生以其奄

人雖精氣閉藏猶少有精氣故也又云女酒女奴曉酒者云云鄭依秋官司厲從坐男女沒入縣官爲奴

則奴者男女同名以其曉解作酒有才智則曰女酒其少有才智給使者則曰奚已下云曉者謂曉解當

職之物不復重釋之也侍史官婢舉漢法言之又云或曰宦女者漢時有此別號按左氏晉惠公之女名

妾稱爲宦女謂宦事秦公子亦云宦女也

漿人奄五人女漿十有五人奚百有五十人註女漿女

奴曉漿者註漿人。釋曰在此者案其職曰良反註掌供王之六飲入于酒府飲是

周禮疏 卷之一十五 及古蜀

酒類故
在此也

凌人下士二人府二人史二人胥八人徒八十人註凌

水室也詩云二之日鑿冰沖沖三之日納于凌陰凌

力證反字從說凌人至十人。釋曰凌人在此者案

水或力升反說其職云掌冰凡外內饗之膳羞鑑焉

以供為膳羞故連類在此也。註凌冰至凌陰。釋

曰引詩曰二之日者案詩之所釋謂周之二月夏之

十二月之日鑿冰者謂於深山窮谷固陰沍寒之處

於是乎取之沖沖鑿冰之意三之日謂周之三月夏

之建寅之正月納冰於凌陰室中案彼又云四之日

其蚤獻羔祭韭啓冰之時也鄭答志以夏十二月取

水二月開冰四月班冰是其常也藏之既晚出之又

早晚者建寅乃藏與此周禮十二月藏冰按一月故

出之早者四月夏之二月出水與周禮同今幽土寒

故納冰可用夏正月也引之者證凌陰即此冰室為

一物也

籩人奄一人女籩十人奚二十人註竹曰籩女籩女奴

之曉籩者說籩人至十人。釋曰在此者案其職云

掌四籩之實亦是薦羞之爭故在此也

文見竹下為之即知以竹為之故云竹曰籩也

醢人奄一人女醢二十人奚四十人註醢豆實也不謂

之豆此主醢豆不盡于醢也女醢女奴曉醢者呼醢

反盡津說醢人至十人。釋曰案其職云掌四豆之

恐反說實亦是薦羞故在此也。註醢豆至醢者

名而以籩為官號此即以豆中之實為官號不謂之

豆人此是問辭鄭還自答豆不盡於醢者其豆之所

盛非止此職中四豆之實而已天子豆百二十上公

及古

豆四十侯伯豆三十二子男豆二十四上大夫二十
下大夫十六彼有脚腫燒裁炙膾之屬其數甚多是
豆不盡盛醢而已若言豆人恐彼竝掌之此醢人惟
掌此四豆之實而已故不得言豆人而言醢人也

醢人奄二人女醢二十人奚四十人註女醢女奴曉醢

者。醢本又作醢。醢人。釋曰醢人在此者案其職
醢呼西反。云掌共五齊七菹以供醢物則與
醢人職通醢人惟主作醢但成齊菹必須醢
物乃成故醢人兼言齊菹而連類在此也

鹽人奄二人女鹽二十人奚四十人註女鹽女奴曉鹽

者。鹽人。釋曰在此者案其職云掌鹽之政令以
供百事之鹽鹽所以調和上食之物故亦連類
在此也

冪人奄一人女冪十人奚二十人註以巾覆物曰冪女

冪女奴曉冪者○冪莫歷反**註**冪人。釋曰冪人在此者
覆飲食之物故次飲食後

宮人中士四人下士八人府二人史四人胥八人徒八

十人疏宮人。釋曰宮人在此者案其職云掌王之
六寢之脩又供王沐浴掃除之事是安息王
身故在此也

掌舍下士四人府二人史四人徒四十人註舍行所解

止之處。解佳。賣反。其職云掌王之會同之舍設楹桓
再重亦是安王身之事故亦在此。舍行至之處
脫止息之處故云解止之處也

自掌舍至掌次安不忘危出行
之事也

幕人下士一人府二人史二人徒四十人

註幕帷覆上

者。幕武。博反。幕人至十人。釋曰在此者案其職云。掌帷幕幄帟綬之事亦是安王身之事。故在此也。在旁曰帷在上曰幕是其幕乃帷之覆上者也。

云在旁曰帷在上曰幕是其幕乃帷之覆上者也。

掌次下士四人府四人史二人徒八十人

註次自脩止

之處。掌次至十人。釋曰在此者案其職云掌王之。次之法以待張事幕人供之掌次張之故連。類在此也。次自脩止之處。釋曰案其職云張。大次設重帟重案皆是自脩止故云自脩止之處也。

大次設重帟重案皆是自脩止故云自脩止之處也。

大府下大夫二人上士四人下士八人府四人史八人

賈十有六人胥八人徒八十人

註太府為王治藏之

長若今司農矣。大府至十人。釋曰在此者案其。職云掌六貢九賦受其貨賄之入。

職云掌六貢九賦受其貨賄之入。

大府至掌皮並府藏計會之

頒其貨賄于諸府之事案尚書洪範云一曰食二曰。皆已上皆言飲食此次言貨賄故大府在此也有賈。者府官須有市買并須知物貨善惡故也。大府。至農矣。釋曰大府與下諸府官為長故以大夫為。之云若今司農矣者漢時司農主治。藏故史游章云司農少府國之淵。

玉府上士二人中士四人府二人史二人工八人賈八

人胥四人徒四十有八人

工能攻玉者。玉府至。八人。

釋曰玉府在此者案其職云掌王之金玉玩好兵器。凡良貨賄之藏以玉為主故與大府同在此有工八。人者以其使攻玉故也有賈者使辦玉之善惡貴賤。故也。工能攻玉者。釋曰工謂作工案詩云他。山之石可以。攻玉故須工。

故也。工能攻玉者。釋曰工謂作工案詩云他。山之石可以。攻玉故須工。

內府中士二人府一人史二人徒十人

註內府主良貨

賄藏在內者

罪反

疏

內府。釋曰內府在此者案其職云掌九貢九賦九功之

貨賄良兵良器故在此也

外府中士二人府一人史二人徒十人

註外府主泉藏

在外者

疏

外府至十人。釋曰外府在此者案其職云掌邦布之出入以共百事故在此也。

外物無在內府故對內府為外也

司會中大夫二人下大夫四人上士八人中士十有六

人府四人史八人胥五人徒五十人

註會大計也司

會主天下之大計計官之長若今尚書

會古外反注同尚音常

疏司會至十人。釋曰在此者案其職云掌邦之六典八法八則之貳以逆邦國都鄙官府之治主天

下大計貨賄亦須計會故與大府連類在此也。

會大至尚書。釋曰言會大計者案宰夫職曰計曰

成月計曰要歲計曰會故知會大計也云主天下之

大計者其職云逆邦國都鄙官府是勾考徧天下云

若今尚書者漢之尚書亦

主大計故舉以况之也

司書上士二人中士四人府二人史四人徒八人

書主計會之簿書

簿步古反

疏

司書至簿書。後簿書皆同。釋曰司書在此者

會計之事司書土之故其職云凡上之用財用必攷于司會故連類在此也。注言簿書者古有簡策以記

事若在君前以笏記事後代用簿簿

今手版故云吏當持簿簿則簿書也

職內上士二人中士四人府四人史四人徒二十人

職內主入也若今之泉所入謂之少內

少詩

疏

內職

至十人。釋曰在此者案其職云掌邦之賦入辨其財用之物而執其總入大府者皆內職內亦有府義故鄭云受藏之府若職內故其職在此也。若今至少內。釋曰漢之少內亦主泉所入案王氏漢官解云小官畜夫各擅其職謂倉庫少內畜夫之屬各自擅其條理所職主由此言之少內藏聚似今之少府但官卑職碎以少為名

職歲上士四人中士八人府四人史八人徒二十人

主歲計以歲斷。斷丁。職歲。釋曰在此者案其

府都鄙之財出賜之數以待會計而考之。總斷一歲之大計故與司會同在此也。

職幣上士二人中士四人府二人史四人賈四人胥二

人徒二十人。職幣。釋曰在此者案其職云掌式法以斂官府都鄙與凡用邦財者之

幣以待上之賜予與職歲通職故連類在此也若然此三職皆有府義不得名府者以財不久停故也

司裘中士二人下士四人府二人史四人徒四十人

司裘。釋曰在此者案其職云掌為大裘并掌皮亦有此府義故在此

掌皮下士四人府二人史四人徒四十人。掌皮。釋曰在此者

案其職云掌秋斂皮冬斂草春獻之亦有府義故連類在此也

內宰下大夫二人上士四人中士八人府四人史八人

胥八人徒八十人。內宰。官中官之長。內宰至十人。釋曰

名內宰者對大宰治百官內宰治婦人之事故名內宰然則大宰不稱外者為兼統內也案其職云掌治王內之政令又教后已下婦德之事以王事少暇故次在此也。內宰至之長。釋曰內宰與下女史

自內宰至婦人陳后夫人以下內教婦功婦人衣服之事天子理陽道后治陰德風化並行故贊治之官皆曰宰

曰必其有忠信之心無險詖之
行然後祿而用之 柯氏曰周禮
命惟內小臣有奄上士四人其他
未有以爵稱者

春新曰成周內宰宮正宮伯皆士
大夫為之而又統于太宰非若後世
用奄暨大臣不得與聞宮禁之
事也漢初大長秋中常侍猶參用
人東京以降專用宦者而人君
居養大臣不復知矣

古三公總九卿而少府之官凡內
皆屬焉傳臣如鄧通一有細過
者嘉得召而斬之當時內臣
亦時參選明德咸拜議郎更宿

王宮備顧問如楊雄位執戟孔安
國掌壺是也東漢則不然議
郎不在宿直人主無由親近明德
之士中常侍蓋宦人為之卒至
群奄用事曹騰孫程遂專廢
立原其所自由三公權虛位無復
西漢統領九卿之職而宦官專
權非三公所能制矣
鄭氏曰自內宰以下閣寺小臣至
於備御祝史凡女官皆屬焉而
隸于太宰蓋女寵近習所以移
人之德者皆使大臣德之則自
敢逾節矣皇父作相膳夫內
史皆不得其人可不慎哉

周禮疏

已下為長故鄭
云宮中官之長

內小臣奄上士四人史二人徒八人註奄稱士者異其

疏內小至八人。釋曰在此者案其職云掌王后
命正其服位則此小臣侍后職與大僕侍王同亦是
佐后之事故在此用奄者以其所掌在內故。**註**奄
稱士者異其賢。釋曰案上酒人漿人等奄竝不稱
士則非士也獨此云以其有賢行命為士故稱士也
案詩巷伯奄官也注云巷伯內小臣小臣於宮中為
近故謂之巷伯必知巷伯與小臣為一人者以其俱
名奄又言巷亦宮中為近又稱伯長也
內小臣又稱士亦是長義故知一人也

閹人王宮每門四人圍游亦如之註閹人司昏晨以啓

閉者刑人墨者使守門圍御苑也游離宮也。昏圍音

又游本亦疏閹人至如之。釋曰在此者以其掌守
作游音由。中門之禁王宮在此故亦在此周禮之
內有同官別職則此閹人每門及圍游同名閹人而
職別山虞澤虞云每大澤大山及川衡林衡亦是別
職同官也別官同職者唯有官聯耳。**註**閹人至宮
也。釋曰云閹人司昏晨以啓閉者此釋名閹人之
意昏時閉門則此名閹人也晨時啓門則論語謂之
晨人也皆以時事為名耳又云刑人墨者使守門此
秋官掌戮職文鄭彼注云黥者無妨於禁禦欲使守
門案其職云掌守中門之禁言中門則唯雉門耳而
言每門者彼言中門據有禁守者言之其實王之五
門皆使墨者守之或解以為王有五門四面皆有中
門故言每門義亦通也案禮記云古者不使刑人守
門彼鄭注謂夏殷時公羊云閹殺吳子餘祭近刑人
輕死之道彼據人君加之寵故云近刑人輕死之道
若君有防衛不親近則非近刑人其劓者使守關以
其醜惡遠之不得約彼即以十二門皆使墨者也詩
云昏椽靡共箋云皆奄人彼據后宮門故使奄者也

周禮疏

卷之一二十一

及古蜀

又云園御苑者案詩云王在靈園注所以養禽獸天子百里諸侯四十里案孟子齊宣王問孟子云文王之園方七十里猶以為小寡人園方四十里猶以為大何也孟子答文王之園芻蕘者往焉雉兔者往焉與民同之民以為小不亦宜乎君之園民殺其麋鹿者如殺人之罪民以為大不亦宜乎則文王之園方七十里者大於諸侯小於天子故也白虎通又云天子百里大國四十里次國三十里小國二十里與孟子不同者白虎通細別言之也又云游離宮者園是大苑其門皆使闔人守之也此離宮即園游之獸禁故彼鄭云謂園之離宮小苑觀處也或以為游亦謂城郭中與公所為者也

寺人王之正內五人註寺之言侍也詩云寺人孟子正

內路寢註寺人至五人。釋曰在此者案其職云掌之至路寢。釋曰云寺之言侍者欲取親近侍御之義此奄人也知者見倍二十四年晉文公既入居郤

欲焚公宮寺人披請見公使讓之且辭焉披曰齊桓公置射鉤而使管仲相君若易之行者甚眾豈唯刑臣彼寺人披自稱刑人奄人也若然寺人既掌內人不掌男子而秦詩云欲見國君先令寺人而掌男子者彼秦仲宣王命作大夫始大有車馬其官未備故寺人兼小臣是以寺人得掌男子詩云寺人孟子者引證經寺人孟子同也又云正內路寢者寺人既不得在王之路寢而云內正五人者謂在內之路寢耳若王之路寢不得稱內以後宮故以內言之故先鄭下注后六宮前一後五前一則路寢

內豎倍寺人之數註豎未冠者之官名。亂。冠古。疏。內豎

數。釋曰在此者案其職云掌內外之通令凡小事故與寺人連類在此也。豎未至官名。釋曰春秋左氏傳叔孫穆子幸庚宗婦人而生牛以為豎官則亦童豎未冠者必使童子為之者鄭於其職注云使童豎通王內外之命給小事者以其無與為禮出入便疾也

九嬪

註嬪婦也昏義曰古者天子后立六宮三夫人九

嬪二十七世婦八十一御妻以聽天下之內治以明

章婦順故天下內和而家理也不列夫人于此官者

夫人之于后猶三公之于王坐而論婦禮無官職

符真反治九嬪釋曰在此者以其有婦德其職

直吏反云掌婦學之法以教九御同是內宮之

官故亦在此嬪婦也至官職釋曰引昏義者

彼是周之婦官之數與此經婦人數同故引以為證

案禮記上檀弓云舜葬蒼梧蓋二妃未之從鄭注云

帝嚳時立四妃象后妃四星其一明者為正妃其三

小者為次妃帝堯因焉至舜不告而娶不立正妃但

三夫人而已夏后氏增以三三而九為十二人殷人

又增有三九二十七合三十九人周人上法帝嚳而

立正妃又三二十七為八十一人以增二十九并后

合百二十一人其位后也夫人也九嬪也二十七世

婦也八十一女御也又云不列夫人于此惟有九嬪

己下是無三夫人之數也又云夫人之于后猶三公

之于王坐而論婦禮無官職者謂三百六十官無三

公之官案大司徒職云二卿則公一人鄭注云三公

者內與王論道中參六官之事外與六卿之教又案

冬官考工記云坐而論道謂之王公注云天子諸侯

然則公中合有三公坐而論道無正職故云中參外

與而已三夫人亦然故云坐而論禮無官職故不列之也

世婦不言數者君子不苟於色有婦德者充之無則

關不言至則闕釋曰在此者案其職云掌祭

數而世婦女御不言數者君子不苟于色有婦德乃

充之不言王而云君子者謂君子為王乃能不苟色

女御

昏義所謂御妻御猶進也侍也

也。釋曰彼

不云女御而云御妻御進也故彼引為一物也又云御猶進也侍也者凡后下御皆是后宮進在王寢待息宴故女御職云掌御敘于王之燕寢是以訓御云進也侍也

女祝四人奚八人

女祝女奴曉祝事者

鄭又之反

女祝至八人。釋曰在此者案其職云掌王后之事。釋曰言女奴曉事謂識文者為之也。女祝至事

者。釋曰言女奴曉事謂識文者為之也

女史八人奚十有六人

女史女奴曉書者

釋曰在

此者案其職云掌王后之禮職內治之貳亦女奴。繞文者為之其職與上之太史掌禮同故打此也

典婦功中士二人下士四人府二人史四人工四人賈

四人徒二十人

典主也典婦功者主婦人絲枲功

官之長

法典婦。釋曰在此者案其職云掌婦式之

云典主也典婦功者主婦人絲枲功官之長其職中齋是也云賈四人者以其絲枲有善惡貴賤之事故

須賈人也

典絲下士二人府二人史二人賈四人徒十有二人

釋曰在此者案其職云掌絲入而辨其物頒絲于外內工皆以物授之因婦功亦在此也

典枲下士二人府二人史二人徒二十人

里反。枲絲

釋曰枲麻也案喪服傳云牡麻者枲麻也則枲是雄麻對苴是麻之有賈實者也在此者與典婦功亦

連類在此也

司禮疏

卷之一二十四

及古

枲麻也

內司服奄一人女御二人奚八人

註內司服主宮中裁

縫官之長有女御者以衣服進或當於王廣其禮使

無色過徐扶用反下同**疏**內司至八人。釋曰以其

者非是對春官司服男子服為內但是男子之物不

言外者在內故婦人之事多言內若不言內無以得見

婦人在內故婦人之事多言內若不言內無以得見

婦人之物不與春官司服同處者以從內官之例故

在此有奄一人者以其衣服事多須男子兼掌以與

婦人同處故用奄也。**注**內司服至色過。釋曰言

主宮中裁縫官之長者謂其下文縫人為長又云有

女御者以衣服進或當於王廣其禮使無色過者以

此女御還是女奴曉進御衣服者故與女酒女祝女

史同號女也以衣服進謂進衣于王王見之或當工

意廣其禮得與八十一女御同名欲見百二十人外

兼有此女御之禮王合御幸之使王無淫色之過故

名女御也

縫人奄二人女御八人女工八十人奚三十人

註女工

女奴曉裁縫者。**疏**縫人至十人。釋曰在此

之事以縫王及后之衣服故在此也奄二人亦是縫

線事多須有男子故也有女御者義同於上也有女

工者謂女奴巧者鄭云曉裁縫者也

染人下士二人府二人史二人徒二十人

疏染如豔反

疏染人。釋曰在此者案其職云掌染

追師下士二人府一人史二人工二人徒四人

註追治

玉石之名。追丁回。職云掌王后之首服為副編

次追衡筭亦因婦人衣服連類在此。治玉石之名。釋曰詩云追琢其璋璋是玉為之則追與琢皆是治玉石之名也。若然男子首服在夏官弁師者以其男子是陽義又取夏時萬物長大長大乃冠故在夏官此婦人直取首服配衣故與衣連類在此也。然首反處下者以冠履自相對不與服為先後故不在也。上

屨人下士二人府一人史一人工八人徒四人

具反。屨紀

疏 屨人。釋曰在此者案其職云掌王及后之服屨故從內官衣服亦連類在此。若然追師專掌婦人

首服此屨人兼男子屨鳥在下體賤故男子婦人同在此官也

夏采下士四人史一人徒四人

夏采夏翟羽色禹貢

徐州貢夏翟之羽有虞氏以為綏後世或無過染鳥

職記招魂以死事故未

羽象而用之謂之夏采。夏戶雅反注同翟雉名采如字或作菜翟音狄綏如誰

反**疏** 夏采至四人。釋曰在此者其職云掌大喪以冕服復于大祖以乘車建綏服于四郊喪事是

終故在末職也。夏采至夏采。釋曰案爾雅云伊洛而南素質五采皆備成章曰翟江淮而南青質

五采皆備成章謂之鷩此則夏翟之羽色也。又案禹貢徐州云羽畎夏翟是徐州貢夏翟之羽也。又云有

虞氏以為綏者明堂位云有虞氏之旂夏后氏之綏注云有虞氏當言綏夏后氏當言旂彼據虞氏始有

綏故云有虞氏以為綏也。又云後世或無者案冬官考工記有鍾氏染羽若有自然鳥羽何須染之乎故

云後世或無則據此周時而言也。故染鳥羽而用之謂之夏采者夏即五色也。此職中注及彼注皆云綏

謂注旄於干首不云翟羽者蓋注文不具耳

周禮註疏卷第一

周禮註疏卷第二

漢鄭氏註

唐賈公彥疏

大宰之職掌建邦之六典以佐王治邦國一曰治典以經邦國以治官府以紀萬民二曰教典以安邦國以教官府以擾萬民三曰禮典以和邦國以統百官以諧萬民四曰政典以平邦國以正百官以均萬民五曰刑典以詰邦國以刑百官以糾萬民六曰事典以富邦國以任百官以生萬民

大曰邦小曰國邦之

所居亦曰國典常也經也法也王謂之禮經常所秉
 以治天下也邦國官府謂之禮法常所守以為法式
 也常者其上下通名擾猶馴也統猶合也詰猶禁也
 書曰度作詳刑以詰四方任猶傳也生猶養也鄭司
 農云治典冢宰之職故立其官曰使帥其屬而掌邦
 治以佐王均邦國教典司徒之職故立其官曰使帥
 其屬而掌邦教以佐王安擾邦國禮典宗伯之職故
 立其官曰使帥其屬而掌邦禮以佐王和邦國政典
 司馬之職故立其官曰使帥其屬而掌邦政以佐王

平邦國刑典司寇之職故立其官曰使帥其屬而掌
 邦禁以佐王刑邦國此三時皆有官唯冬無官又無
 司空以三隅反之則事典司空之職也司空之篇亡

小宰職曰六曰冬官其屬六十掌邦事

○邦國于云國天子諸侯

所理也邦疆國之境治典直吏反註下治典邦治治
 官治職之治皆同擾而小反鄭而昭反徐李尋倫反
 諧戶皆反詰起一反禁也于云彈正糾察也大宰
 馴以倫反度待洛反傳側吏反下同猶立也至以
 生萬民○釋曰自此已下至職末分為二段從此職
 首至以富得民一段十條明經國之大綱治政之條
 目自正月之吉以下至職末明頒宣前法依事而施
 言掌建邦之六典者謂太宰總御羣職故六典俱建
 也以佐王治邦國者以六典是王執治邦國王不獨
 治故云佐王也一日治典以經邦國至六曰事典皆

云邦國者邦國皆謂諸侯之國但治典云經者所以
 經紀為名故云經教典云安者地道主安故云安禮
 典云和者禮之用和為貴故云和政典云平者司馬
 主六軍以平定天下故云平刑典云詰者以其刑者
 所以詰禁天下故云詰事典云富者作事所以富國
 家故云富也又治典教典云官府禮典已下四典皆
 云百官者尊天地二官不局其數故不云百官而云
 官府也若然六官其屬各六十得稱百官者舉全數
 故云百官也且天官言治官府地官云教官府夏官
 云以正百官秋官云刑百官皆依本職而言之至於
 春官主禮不可云禮百官禮所以統敘萬事故云統
 百官也冬官不可云事百官故變事云任任謂任使
 任使即事也又天官主治治所以紀綱天下故云紀
 萬民也地道主民故云擾萬民擾則馴順之義也春
 官主禮禮所以諧和故云諧萬民夏官主政九畿職
 方制其貢有貢賦之事故云均萬民秋官主刑刑者
 所以糾正天下故云糾萬民也冬官主事作事者所
 以生養萬民故云生萬民也然天子曰兆民諸侯曰

萬民此天子之禮不言兆民而言萬民者但兆民據
 天子而言之今言萬民以畿外封諸侯惟有畿內不
 封故以畿內據近而言○注大曰至掌邦事○釋曰
 周禮凡言邦國者皆是諸侯之國此言大曰邦小曰
 國者止據此文邦在上國在下故為此解案儀禮觀
 禮云同姓大國異姓小邦則邦國大小通也又云邦
 之所居亦曰國即據王國而言故上云惟王建國匠
 人營國方九里與典命國家皆是邦之所居亦曰國
 也又云典常也經也法也者爾雅釋詁云典常也孫
 氏云禮之常也釋言云典經也又云法者以其經常
 者即是法式又云王謂之已下鄭所解也云王謂之
 禮經常所秉以治天下也者凡言經者以經紀天下
 故王言禮經常所秉以治天下也云邦國官府謂之
 禮法者凡言法者下法於上故邦國官府謂之禮法
 常所守以為法式也云常者上下通名者經據在上
 法據在下至於王與邦國官府俱有常義故云常者
 上下通名也又云擾猶馴也者案地官註訓擾為安
 此言馴不同者馴是順之義順即安義亦通也云統

猶合也者統者相統同故為合詰猶禁也者第詰即
禁止之義也引尚書曰度作詳刑以詰四方此尚書
呂刑文是呂侯訓夏贖刑以詳審詰禁四方引證詰
為禁之義也云任猶傳也者傳猶立也東齊人物立
地中為傳蒯通說范陽令曰天下之人所以不敢傳
刃於公之腹者畏秦法也欲使百官皆立其功也云
生猶養也者若直云生萬民則諸官皆生萬民彼何
異也於義不安故轉為養冬官主土地所以養民故
也云鄭司農云治典冢宰之職者及下教典司徒之
職禮典宗伯之職六典皆言之職此竝是序官之下
次有此文故立其官曰使帥其屬而掌邦治此以下
六者皆是六官之首有此文司農總引以釋六典也
云此三時皆有官唯冬無官者謂各六十官唯冬無
云無司空者對餘官有大宰司徒宗伯司馬司寇此
則無司空卿也云以三隅反之者凡物不圓則方方
則四隅既有三隅明有四隅以言既有春夏秋三時
之官明有冬時之官可知則事典司空之職是也云
司空之篇亡者謂六國時亡其時以考工記代之引

小宰職者欲見當有冬官之屬也

以八灋治官府一曰官屬以舉邦

治二曰官職以辨邦治三曰官聯以會官治四曰官

常以聽官治五曰官成以經邦治六曰官灋以正邦

治七曰官刑以糾邦治八曰官計以弊邦治
百官

所居曰府弊斷也鄭司農云官屬謂六官其屬各六

十若今博士大史太宰大祝大樂屬大常也小宰職

曰以官府之六屬舉邦治一曰天官其屬六十是也

官職謂六官之職小宰職曰以官府之六職辨邦治

一曰治職二曰教職三曰禮職四曰政職五曰刑職

有事得會合而成者也

察其違常者

六曰事職官聯謂國有大事一官不能獨共則六官共舉之聯讀為連古書連作聯聯謂連事通職相佐助也小宰職曰以官府之六聯合邦治一曰祭祀之聯事二曰賓客之聯事三曰喪荒之聯事四曰軍旅之聯事五曰田役之聯事六曰斂弛之聯事官常謂各自領其官之常職非連事通職所共也官成謂官府之成事品式也小宰職曰以官府之八成經邦治一曰聽政役以比居二曰聽師田以簡稽三曰聽閭里以版圖四曰聽稱責以傳別五曰聽祿位以禮命

六曰聽取予以書契七曰聽賣買以質劑八曰聽出入以要會官灋謂職所主之法度官職主祭祀朝覲會同賓客者則皆自有其灋度小宰職曰以灋掌祭祀朝覲會同賓客之戒具官刑謂司刑所掌墨臯劓而誅賞之玄謂官刑司寇之職五刑其四曰官刑上能糾職官計謂小宰之六計所以斷羣吏之治

○灋古法

字聯音連弊必世反鄭蒲計反徐劉府世反斷丁亂反下同弛尹氏反毗志反鄭房利反稽古奚反鄭又音啓版音板傅別音附下彼列反契苦計反劑子隨反爾雅云劑翦齊也要於妙反徐於召反後不音

計斷其誅賞也

者放此朝直遙反凡言朝觀皆同臯
古罪字劓魚冀反則音月又五刮反
灋雖不云建亦有建義故鄭註太史職云六典八灋
八則冢宰所建以治百官大史又建焉是也上六典
云治邦國此八灋云治官府官府在朝廷之官府也
一曰官屬以舉邦治以下皆單言邦據王國而言之
言官屬者謂六官各有六十官之屬也長官有屬官
官事得舉故云以舉邦治二曰官職以辨邦治者謂
六官各有職若天官治職之等官各有職辨別也官
事有分別故云以辨邦治也三曰官聯以會官治者
聯卽連也一官不能獨共則衆官共舉之然後事得
合會故云以會官治四曰官常以聽官治者官常非
連事通職各自於當官常職而聽治之故云以聽官
治也五曰官成以經邦治者官成者謂官自有成事
品式依舊行之以經紀邦治也六曰官法以正邦治
者官法謂當職所主舊灋度將此法度是正邦之治
政也七曰官刑以糾邦治者言官刑非尋常五刑謂
官中之刑以糾察邦治八曰官計以弊邦治者官計

謂平治官府之計也弊斷也謂就計會之中有失者
斷之故云弊邦治也此八法皆云邦治官常官聯二
者不云邦而云官者其官聯言官欲取會合衆官乃
始得治官常言官欲取官有常職各自治其官故二
者不言邦而云官也及小宰還從治○百官至之
治○釋曰言百官所居曰府者欲以官府爲一事解
與上府史之府別彼府主藏文書此府是百官所居
處皆是府聚之義也鄭司農引官屬謂六官其屬各
六十下引小宰所云者是也云若今博士云云屬大
常也者司農據漢百官年表漢始叔孫通爲奉常後
改爲太常博士官刑先鄭謂司刑所掌墨臯劓臯官
臯則臯殺臯此是正五刑施于天下非爲官中之刑
故後鄭不從之也官計謂三年大計羣吏之治而誅
賞者此爲三年一考乃一計之此官計每歲計之故
後鄭亦不從之玄謂官刑司寇之職五刑其四曰官
刑上能糾職是專施于官府之中於義爲當也官計
謂小宰之六計所以斷羣吏之治羣吏之治以八則
卽是官中之計於義亦當矣故引破司農也以八則

曰法畧曰則取者所以政之
內之於善也

以其用量入以為出也

田賦以簡衆後使以任衆

治都鄙一曰祭祀以馭其神二曰灋則以馭其官三
曰廢置以馭其吏四曰祿位以馭其士五曰賦貢以
馭其用六曰禮俗以馭其民七曰刑賞以馭其威八
曰田役以馭其衆都之所居曰鄙則亦灋也典灋
則所用異異其名也都鄙公卿大夫之采邑王子弟
所食邑周召毛聃畢原之屬在畿內者祭祀其先君
社稷五祀灋則其官之制度廢猶退也退其不能者
舉賢而置之祿若今月奉也位爵次也賦口率出泉
也貢功也九職之功所稅也禮祿昏姻喪紀舊所行

也鄭司農云士謂學士

馭魚慮反賦貢于云賦土之所求於下貢下之所納於

疏

以八至其衆○釋曰則亦灋也以八則治三等采地之都鄙也一日祭祀以馭其神者采地之中祭

祀宗廟社稷五祀下註云凡云馭者所以馭之內之
於善則於祭祀之中宗廟先祖則無可去取是社稷
配食者若取句龍后稷上功有功是內之善也○二
曰灋則以馭其官者灋則謂官之制度制度與在官
為灋則使不僭差亦所以馭之使入善也○三曰廢
置以馭其吏者謂有罪則廢退之有賢則舉置而贊
之亦所以馭人於善也○四曰祿位以馭其士者士
謂學士學士有賢行學業則詔之以爵位祿賞亦是
馭之於善也○五曰賦貢以馭其用者采地之民口
率出泉為賦有井田之灋一夫之田稅入於官官得
之節財用亦是使人入善故云以馭其用也○六曰
禮俗以馭其民者俗謂昏姻之禮舊所常行者為俗

九賦職賦相繼而言故知賦即九賦口率出泉也云
貢功也九職之功者亦約下文言九賦上言九職九
職任之功故鄭於此以貢為功是九職之功出稅也云
禮俗昏姻喪紀者曲禮云君子行禮不求變俗若不
醴醮用酒是其一隅也云鄭司農云士謂學士者經
云祿位以馭其士使進以八柄詔王馭羣臣一曰爵

以馭其貴二曰祿以馭其富三曰予以馭其幸四曰
置以馭其行五曰生以馭其福六曰奪以馭其貧七
曰廢以馭其罪八曰誅以馭其過註柄所秉執以起

事者也詔告也助也爵謂公侯伯子男卿大夫士也
詩曰誨爾序爵言教王以賢否之第次也班祿所以

之於位以旌善行也

以馭罪放之于遠誅以馭過
之於言蓋罪重則放之過輕
之於言也

富臣下書曰凡厥正人既富方穀幸謂言行偶合於

善則有以賜予之以勸後也生猶養也賢臣之老者

王有以養之成王封伯禽於魯曰生以養周公死以

為周公後是也五福一曰壽奪謂臣有大罪没入家

財者六極四曰貧廢猶放也舜殛鯀于羽山是也誅

責讓也曲禮曰齒路馬有誅凡言馭者所以馭之內

之於善○柄兵命反行下孟反註同殛以八柄至

紀力反鯀古本反馭起俱反其過○釋
曰大宰以此八柄詔告於王馭羣臣餘條皆不言詔
獨此與下八統言詔王者餘竝羣臣職務常所依行
歲終致事乃考知得失此乃王所操持王不獨執羣
臣佐之而已故特言詔也言馭者此八者皆是馭羣

臣入善之事故皆言馭也。一曰爵以馭其貴者司士云以德詔爵有賢乃受爵是馭之以貴也。二曰祿以馭其富者司士云以功詔祿祿所以富臣下故云以馭其富。三曰予以馭其幸謂言語偶合于善有以賜予之故云以馭其幸。四曰置以馭其行者有賢行則置之于位故云以馭其行。五曰生以馭其福者生猶養也臣有大勳勞者使子孫享養之是福祐之道也故云以馭其福。六曰奪以馭其貧者謂臣有大罪君不忍刑殺放廢以馭其辜者廢放也謂臣有大罪君不忍刑殺放之以遠故云以馭其辜。八曰誅以馭其過者臣有過失非故為之者誅責也則以言語責讓之故云以馭其過也此經八事自五曰已上皆是善事則大善者在在前小善者在後自六曰已下皆是惡事則大惡者在在前小惡者在後案內史亦言此八柄之事唯一日爵二曰祿與此同三曰廢四曰置五曰殺六曰生七曰予八曰奪文亂與此不同者彼欲視事起無常故所言不次也又彼變誅言殺欲見為惡不止則殺

之或可見此過失則園土之刑人也出園土則殺之故內史變誅言殺也且此中爵與祿廢與置皆別文以王德為大能明辨之四者設文有別八則中爵祿及廢置皆共文者以其德小不能辨故也。○**○**柄所至於善。○釋曰柄者謂八者若斧斤之柄人所秉執以起事故以柄言之也云爵謂公侯已下者欲見周法爵及命士不言孤者卿中舍之故考工記云中有九室九卿朝焉九卿謂三孤六卿是卿中舍孤也引詩誨爾序爵者大雅桑柔詩序是先後次第之言誨教也故鄭云言教王以賢否之第次也又引書者是尚書洪範之文云凡厥正人既富方穀者厥其也方道也穀善也凡其正直之人既以爵祿富之又以善道接之引之者證以馭其富也云成王封伯禽於魯曰生以養周公死以為周公後是也者此竝文公十三年公羊傳文彼云周公拜乎前魯公拜乎後曰生以養周公死以為周公主此云為周公後不同者鄭以義言之又云五福一曰壽者此亦洪範文引之者證賢臣老養之是五福一曰壽故曰以馭其福也云

八曰敬尊臣者執其權故曰
萬民者舉其綱故曰統

六極四曰貧亦洪範文引之者證大罪奪之家資以
馭其貧也云廢猶放也舜殛鯀于羽山者鯀治水久
載績用不成殛誅也羽山東裔也云曲禮曰齒路馬
有誅者齒謂年之路馬君之所乘馬輒年之則有誅
責引之者證誅為言以八統詔王馭萬民一曰親親
語責之非有刑罪也

二曰敬故三曰進賢四曰使能五曰保庸六曰尊貴

七曰達吏八曰禮賓統所以合率以等物也親親

若堯親九族也敬故不慢舊也晏平仲久而敬之賢

有善行也能多才藝者保庸安有功者尊貴尊天下

之貴者孟子曰天下之達尊者三曰爵也德也齒也

祭義曰先王之所以治天下者五貴有德貴貴貴老

敬長慈幼達吏察舉勤勞之小吏也禮賓賓客諸侯

所以示民親仁善鄰統所以合率以等物也此八

者民與在上同有物事也謂牽下民使與上合皆有

以等其事上行之下效之也故以萬民為主也○一

曰親親者君與民俱親九族之親○二曰敬故者君

與民皆須恭敬故舊朋友○三曰進賢者有賢在下

君當招之民當舉之是君民皆進賢也○四曰使能

者下有技能君民共舉任之○五曰保庸者保安也

庸功也有功者上下俱賞之以祿使心安也○六曰

尊賢者臣有貴者君民共尊敬之○七曰達吏者吏

禮記

卷之二十一

及五

服民亦效之而親九族也云敬故不慢舊也引晏平仲久而敬之者謂他人久敬平仲由平仲敬於他人善在平仲故親親引堯敬故引平仲欲見上下通有是以伐木詩是文王敬故也云賢有善行也能多才藝者案鄉大夫云與賢者出使長之與能者入使治之是賢有六德六行者能者直六藝而已云尊貴尊天下之貴者謂天下有貴皆尊之云孟子曰天下之達尊者三謂三者天下通達行之三者即爵德齒也爵即經云賢者為大夫能者為士皆是用德為爵證經任賢能也云齒也者謂若黨正飲酒之禮六十已上在堂上以齒此連引之於經無所當也云祭義曰先王之所以治天下者五貴有德者即舉賢者也貴貴即尊貴也貴老敬長慈幼者三者於經無所當亦連引之耳云達吏察舉勤勞之小吏也者小吏在民間謂若比長闔胥之等雖小吏堪任大官故察舉用之云禮賓賓客諸侯者謂若大行人上公侯伯子男之禮皆為等級以禮之是賓客諸侯也云所以示民親仁善鄰者親仁善隣左氏隱公六年陳五父之辭

親仁善鄰則當禮賓
故引以證禮賓也
以九職任萬民一曰三農生

穀二曰園圃毓草木三曰虞衡作山澤之材四曰藪

牧養蕃鳥獸五曰百工飭化八材六曰商賈阜通貨

賄七曰嬪婦化治絲枲八曰臣妾聚斂疏材九曰閒

民無常職轉移執事任猶傳也鄭司農云三農平

地山澤也九穀黍稷秫稻麻大小豆大小麥八材珠

曰切象曰磋玉曰琢石曰磨木曰刻金曰鏤草曰剝

羽曰析閒民謂無事業者轉移為人執事若今傭賃

也玄謂三農原隰及平地九穀無秫大麥而有梁苽

生無一物之可闕治生者
其美之可息先王於民隨
其所能而任之所以國無游
民而天下富庶也

樹果蒹曰圃園其樊也虞衡掌山澤之官主山澤之民者澤無水曰藪收牧田在遠郊皆畜牧之地行曰商處曰賈阜盛也金玉曰貨布帛曰賄嬪婦人之美稱也堯典曰釐降二女嬪于虞臣妾男女貧賤之稱晉惠公卜懷公之生日將生一男一女男為人臣女為人妾生而名其男曰圉女曰妾及懷公質於秦妾為宦女焉疏木百草根實可食者疏不熟曰饑

○圃布古反又音布毓古育字藪速苟反牧牧養之牧徐音日劉音茂蕃扶元反飭音勑賈音古下註同開音開秣音述磋七何反琢陟角反鏤婁豆反為人于偽反傭音容賃女鳩反菰音瓜彫胡也字或作菰蒹力果反

樊如字又方元反畜許又反又許六反稱尺證反下同釐力之反匿魚呂反養馬曰圉質猪二反疏不色居反菜也劉音

疏 以九職至執事。釋曰此九者皆蘇饑其靳反。是民之職業故云萬民也。一曰三農生九穀者言三農謂農民於原隰及平地三處營種故云三農生九穀也。二曰園圃毓草木者此圃即載師所云場圃任園地謂在田畔樹菜蔬果蒹者故云毓草木也。三曰虞衡作山澤之材者謂在山澤之民所作事業材木而已。四曰藪牧養蕃鳥獸者謂在藪牧之民事業使之長養蕃滋飛鳥走獸而已。五曰百工飭化八材者謂百種巧作之工所為事業變化八材為器物飭之而已。六曰賈賄者謂商賈之家所為事業通貨賄使之阜盛。七曰嬪婦化治絲枲者嬪婦謂國中婦人有德行者治理變化絲枲以為布帛之等也。八曰臣妾聚斂疏材者謂男女貧賤號為臣妾者所為事業聚斂百草根實而已。九曰閒民無常職轉移執事者其人為性不營已業為閒民而

好與人備貨非止一家轉移為人執事以此為業者耳。○**任**猶至曰饑。○釋曰云任猶傳也者傳謂立也。使民之業得立云鄭司農云三農平地山澤也者以其積石曰山水鍾曰澤不生九穀故後鄭不從之也。云九穀黍稷秫稻麻大小豆大小麥者此九者後鄭以為無秫大麥而有梁苽八材云珠曰切之下竝爾雅文皆是治器用之名也。然今爾雅云骨曰切者蓋司農讀爾雅本作珠也云玄謂三農原隰及平地者爾雅高平曰原下溼曰隰原及平地可種黍稷之等隰中可種稻麥及苽也云九穀無秫大麥而有梁苽者以秫為亦粟與稷黏疎為異故去之大麥所用處少故亦去之必知有梁苽者下食醫云凡膳食之宜有大宜梁魚宜苽故知有梁苽也且前七穀之中依月令麥屬東方黍屬南方麻屬西方豆屬北方稷屬中央故知有黍稷麻豆麥稻與小豆所用處多故知有稻有小豆也必知有大豆者生民詩云藝之戎菽戎菽大豆后稷之所殖故知有大豆也云樹果蒺曰圃園其樊者案漢書食貨志云田中不待有樹用

妨五穀環盧樹桑麻菜茹瓜瓠果蒺應劭曰木曰果草曰蒺張晏曰有核曰果無核曰蒺臣瓚曰木上曰果地上曰蒺劭與瓚義同晏獨異也案載師云塲圃任園地則圃在園中故鄭云樹果蒺曰圃園其樊是以詩云折柳樊圃謂與圃為樊樊其蕃蔽也云虞衡掌山澤之官主山澤之民者案地官掌山澤者謂之虞掌川林者謂之衡則衡不掌山澤而云虞衡作山澤者欲互舉以見山澤兼有川林之材也鄭既云虞衡掌山澤之官復云山澤之民無名號故借虞衡之官以表出其民所任者任山澤之萬民山虞澤虞之官非是以任出稅之物但主山澤之民也云澤無水曰藪藪者地官澤虞云大澤大藪藪澤別言詩云叔在藪火烈具舉藪若有水不得田獵故知澤無水曰藪也云牧牧田在遠郊知者見載師云牧田賞田任遠郊之地云皆畜牧之地者謂藪牧皆是畜牧之地案載師職鄭註牧田畜牧者之家所受田也非畜牧之地此解違者但牧六畜之地無文鄭約與家人所受田處即有

六畜之地故云在遠郊也云行曰商處曰賈者諸官
之下有賈人無行法故曰處易復象曰至日閉關商
旅不行是行曰商也云金玉曰貨者案食貨志王莽
居攝更作金銀龜具錢布之器名曰寶貨是自然之
物曰貨也聘禮曰賄用束紉是人所爲曰賄也若然
王制云錦文珠玉不粥于市此商賈得通之在市者
彼據珠玉有錦文者或彼異代禮也案左氏襄十五
年宋人獻玉于子罕于罕寘諸其里使玉人爲之攻
之富而後使復其所服式云富賣玉得富是其得粥
玉也云姁婦人之美稱也者此是國中婦人有德行
故稱嬪引堯典釐降二女嬪于虞者欲見嬪是婦人
美稱之義耳云臣妾男女貧賤之稱者或奴戮之餘
胤或背德之質于晉衛之男女皆是故引晉惠以釋
之也云晉惠已下皆左氏傳僖十七年夏晉大子圉
爲質于秦云惠公之在梁梁伯妻之梁嬴孕過期卜
招父與其子卜之其子曰將生一男一女招曰然男
爲人臣女爲人妾及生男曰圉女曰妾註養馬曰圉
不聘曰妾後子圉西質妾爲宦女是也此鄭與文異

者鄭以義增之也云疏材百草根實者百草或取根
謂若菱芡之屬或取實謂若榛栗之屬皆是根實可
食也云疏不熟曰饑者爾雅云穀不熟爲饑
饑疏不熟爲饑疏穀皆不熟則曰大荒

以九賦斂

財賄一曰邦中之賦二曰四郊之賦三曰郊甸之賦
四曰家削之賦五曰邦縣之賦六曰邦都之賦七曰
關市之賦八曰山澤之賦九曰幣餘之賦

財泉穀

也鄭司農云邦中之賦二十而稅一各有差也幣餘

百工之餘玄謂賦口率出泉也今之算泉民或謂之

賦此其舊名與鄉大夫以歲時登其夫家之衆寡辨

其可任者國中自七尺以及六十野自六尺以及六

去國四百里及王子弟之
地邦國都去國五百里及王
弟之采地

十有五皆征之遂師之職亦云以徵其財征皆謂此
賦也邦中在城郭者四郊去國百里邦甸二百里家
削三百里邦縣四百里邦都五百里此平民也關市
山澤謂占會百物幣餘謂占賣國中之斥幣皆未作
當增賦者若今賈人倍算矣自邦中以至幣餘各八
其所有穀物以當賦泉之數每處為一書所待異也
○削本亦作稍又作郛所教反徐所召反弊鄭婢世
反于必世反名與音餘鄉大夫劉音香處昌慮反後
可以玩以九至之賦○釋曰云以九賦斂財賄者此
意求賦謂口率出泉其處有九故云九也既云賦
計口率出泉則財賄非泉而云斂財賄者計口出泉
無泉者取財賄以當算泉之賦故云斂財賄也○一

曰邦中之賦者謂國中之民出泉也○二曰四郊之
賦者計遠郊百里之內民所用出泉也○三曰邦甸
之賦者謂郊外曰甸百里之外二百里之內民所出
泉也○四曰家削之賦者謂二百里之內地名削其
中有大夫采地謂之家故名削大夫采地中賦稅
入大夫家但大夫家采地外其地為公邑公邑之內
其民出泉入王家故舉家削以表公邑之民也○五
曰邦縣之賦者四百里地名縣有小都賦入采地之
主其中公邑之民出泉入王家也○六曰邦都之賦
者其五百里中有大都大采地其賦入主外為公
邑其中民所出泉入王家也○七曰關市之賦者王
畿四面皆有關門及王之市廛二處其民之賦口稅
所得之泉也○八曰山澤之賦者謂山澤之中財物
山澤之民以時入而取之出稅以當邦賦所稅得之
物貯之而官未用有人占會取之為官出息此人口
稅出泉謂之山澤之賦也○九曰幣餘之賦者謂為
國營造用物有餘並歸之於職幣得之不入府藏則
有人取之為官出泉此人亦口稅出泉謂之幣餘之

賦然關市山澤幣餘不出上六處而特言者以其末
 作當增賦故也。○財泉至異也。○釋曰知財得為
 泉者見外府云掌邦布之出入賜予之財用以此知
 財中有泉也。又知財中有穀者案禮記喪大記云納
 財朝一溢米米卽是穀故知財中有穀也。云鄭司農
 云邦中之賦二十而稅一各有差也者先鄭約載師
 園廛二十而一近郊十一遠郊二十而三故云各有
 差後鄭不從者以關市山澤幣餘之賦皆無地稅卽
 上云邦中四郊之等亦非地稅故不從也。云幣餘百
 工之餘後鄭不從者若是百工之餘當歸之職幣何
 有賦乎云玄謂賦口率出泉也者案大府云九貢九
 賦九功各別又見司會云以九貢致邦國之財用以
 九賦令田野之財用以九功令民職之財用貢賦及
 功各別賦爲口泉也是以鄭君引漢法民年二十五
 已上至六十出口賦錢人百二十以爲算故鄭於此
 註亦云今之算泉民或謂之賦此其舊名與又引鄉
 大夫以歲時登其夫家已下及遂師職者欲見征賦
 爲一皆是口率出泉破司農爲地稅也云邦中在城

郭已下至五百里此皆約載師所到遠郊何地制也
 縣地置地之等遠近之差云此平民也者謂六甸已
 上皆是平善之民先王以農爲本故謂之平民也對
 七日已下非農民者爲末作也云關市山澤謂商會
 百物者謂關上以貨出入有稅物市若泉府廛布總
 布之等亦有稅物山澤民人入山澤取材物亦有稅
 物此人占會百物爲官出息幣餘謂占賣國中斥幣
 斥幣謂此物不入大府指斥出而賣之故名斥幣云
 當增賦者謂口率出泉增於上農民故云若今賈人
 倍算矣云自邦中以至幣餘各入其所所有穀物以當
 賦泉之數者以經云斂財賄財賄卽是穀物取之以
 當賦泉之數若漢法人百二十云每處爲一書所待
 異也者此九賦所得財物給下九式之月九式用處
 不同故此九賦分爲九處是以每一處爲一書以待
 其出式謂用財之以九式均節財用一曰祭祀之式
 節度是所待異也。以九式均節財用一曰祭祀之式
 二曰賓客之式三曰喪荒之式四曰羞服之式五曰

九賦不在三賦外
九賦不在三賦外

工事之式六曰幣帛之式七曰芻秣之式八曰匪頒

之式九曰好用之式式謂用財之節度荒凶年也

羞飲食之物也工作器物者幣帛所以贈勞賓客者

芻秣養牛馬禾穀也鄭司農云匪分也頒讀為班布

之班謂班賜也玄謂王所分賜羣臣也好用燕好所

賜予○羞服于云羞飲食也服車服也服或作膳芻

報初俱反頒鄭音班徐音墳好呼報反註同勞力

反謂依常多少用財法式也○一曰祭祀之式者

謂若大祭次祭用大牢小祭用特牲之類○二曰賓

客之式者謂若上公饗餼九牢殮五年五積之類○

三曰喪荒之式者喪謂若諸侯諸臣之喪舍祔贈奠

賻賵之類王家之喪所用大非此所共也荒謂凶年

穀不熟有所施與也○四曰羞服之式者謂王之膳

羞衣服所用也○五曰工事之式者謂百工巧作器

物之法○六曰幣帛之式者謂若贈勞賓客也○七

曰芻秣之式者謂牛馬禾穀也○八曰匪頒之式者

謂若分賜羣臣也○九曰好用之式者燕好所施于

也此九者亦依尊卑緩急為先後之次也式謂

至賜予○釋曰云荒凶年也者曲禮云歲凶年穀不

登是凶年也云羞飲食之物也者謂若膳夫飲用六

清食用六國醬用百有二十壘之類云工作器物者

若考工所作器物也云幣帛所以贈勞賓客者謂若

司儀職上公三問三勞之等皆有束帛職禮賄用束
紡云芻秣養牛馬禾穀者謂若聘禮致饗餼芻秣之
等也云玄謂王所分賜羣臣者就足司農班賜之義
也云好用燕好所賜予者以其言好則知是燕飲有
所愛好自因歡以九貢致邦國之用一曰祀貢二曰
樂則有賜予也
三曰器貢四曰幣貢五曰材貢六曰貨貢七曰
嬪貢

月禮疏
卷之二十八
及古開

此九貢行於九州諸侯者

服貢八曰旃貢九曰物貢註嬪故書作賓鄭司農云

祀貢犧牲包茅之屬賓貢皮帛之屬器貢宗廟之器

幣貢繡帛材貢木材也貨貢珠貝自然之物也服貢

祭服旃貢羽毛物貢九州之外各以其所貴為摯肅

慎氏貢楛矢之屬是也玄謂嬪貢絲枲器貢銀鐵石

磬丹漆也幣貢玉馬皮帛也材貢櫛榦栝栢篠簜也

貨貢金玉龜貝也服貢絺紵也旃讀如圍游之游旃

貢燕好珠璣琅玕也物貢雜物魚鹽橘柚○嬪鄭音

賓摯音至本亦作贊楛音戶櫛勅倫反榦古且反篠

西了反蕩大黨反絺勅其反紵直呂反璣徐音畿劉

按存貢宜從司農說物貢

詩游為游鄭氏好改經之字

音其既反一音機琅音郎玕音干疏以九貢至物貢

袖羊救反一音羊受反或音喻○釋曰云致邦

國之用者謂此貢諸侯邦國歲之常貢則小行人云

令春入貢是也太行人云侯服歲一見其貢祀物彼

謂因朝而貢與此別也但諸侯國內得民稅大國貢

半次國三之一小國四之一所貢者市取當國所出

美物則禹貢所云厥篚厥貢之類是也註嬪故至

橘柚○釋曰言故書者鄭註周禮時有數本劉向未

校之前或在山巖石室有古文考校後為今文古今

不同鄭據今文註故云故書作賓此九貢皆是諸侯

厥篚織貝及玄織縞之等故知幣貢中有繡帛也云
材貢木材也者案禹貢中有惟木故知材貢中有木
材也云貨貢珠貝自然之物也者亦據食貨志為說
云服貢祭服者後鄭亦不從以大行人因朝而貢有
祭服此歲之常貢不得有成服云旂貢羽毛者亦不
從者以其旂據人宴好不得據物上生稱故不從也
云物貢九州之外各以其所貴為擊又引肅慎氏貢
楛矢之屬後鄭不從者以其九州之外世一見無此
歲之常貢之法也云玄謂嬪貢絲帛者絲帛青州所
貢此破先鄭為賓貢云器貢銀鐵石磬丹漆也者銀
鐵梁州所貢漆兗州所貢石即礪砥荊州所貢磬即
泗濱浮磬徐州所貢云幣貢玉馬皮帛也者禹貢堯
時無貢馬法觀禮諸侯享禮云匹馬卓上九馬隨之
周則有之玉即球琳皮即熊羆狐狸竝雍州所貢帛
即織貝之類揚州所貢此增成先鄭之義云材貢樵
榦栝柏篠簜也者竝荊州所貢此亦增成先鄭之義
云貨貢金玉龜貝也者亦增成先鄭之義龜出九江
荊州所貢玉即球琳亦雍州所貢金即金三品及貝

揚州所貢云服貢絺紵也者豫州所貢云旂讀為訓
游之游游貢燕好珠璣琅玕也者此破先鄭物上生
名為羽毛也珠即璣珠徐州所貢璣即璣組荊州所
貢琅玕雍州所貢云物貢雜物魚鹽橘柚者此亦破
先鄭之義魚即鱣魚徐州所貢鹽青州所貢橘
柚荊揚所貢已上所貢之物皆據禹貢而言

兩繫邦國之民一曰牧以地得民二曰長以貴得民
三曰師以賢得民四曰儒以道得民五曰宗以族得
民六曰主以利得民七曰吏以治得民八曰友以任
得民九曰藪以富得民

註 兩猶耦也所以協耦萬民

繫聯綴也牧州長也九州各有封域以居民也長諸
侯也一邦之貴民所仰也師諸侯師氏有德行以教

一說師序學校之師儒請道
習藝之士

財物所生其利富厚人以為歸也
大詔曰凡四師儒友吏之類皆人
也九曰教以富得民從不以教澤
解之其可通乎蓋教者富家巨
室之所施身者雖非官吏師儒而
能勝為民此亦邦國之不可少者
也漢黨錮傳以財救人謂之厨
意畧相似

民者儒諸侯保氏有六藝以教民者宗繼別為大宗
收族者鄭司農云主謂公鄉大夫世世食采不絕民
稅薄利之玄謂利讀如上思利民之利謂以政教利
之吏小吏在鄉邑者友謂同井相合耦耨作者孟子
曰鄉田同井出入相友守望相助疾病相扶持則百
姓親睦藪亦有虞掌其政令為之厲禁使其地之民
守其材物以時入于王府頒其餘於萬民甯謂藪中
材物○繫音計治直吏反下注王治凡治職治
皆同藪于云宜作叟行下孟反耨音助
至得民○釋曰言邦國即據諸侯及萬民而言謂王
者於邦國之中立法使諸侯與民相合耦而聯綴不

使離散有九事故云以九兩繫邦國之民也○一曰
牧以地得民者謂畿外八州之中州別立一州牧使
侯伯有功德者為之使統領二百一十國以有一州
土地集安萬民故云牧以地得民也○二曰長以貴
得民者謂一國立諸侯與民為君長是一國之貴民
所仰效而民歸之故云以貴得民也○三曰師以賢
得民者謂諸侯已下立教學之官為師氏以有三德
三行使學子歸之故云以賢得民則學子是也○
四曰儒以道得民者諸侯師氏之下又置一保氏之
官不與天子保氏同名故號曰儒掌養國子以道德
故云以道得民亦謂學子也○五曰宗以族得民
者謂大宗子與族食族燕序以昭穆故云以族得民
民即族人也○六曰主以利得民者主謂大夫宣君
政教以利得民則采邑之民也○七曰吏以治得
民者吏在民間若比長閭胥有以治政之所得民○
八曰友以任得民者言以任則非同門之朋友謂在
田里之間相佐助以相任使而得民即鄰伍聚居者
○九曰藪以富得民者以上八者皆據人而言此一

者不據人而言數者見民之所居之處利益於人澤
 藪之中多有材物以富得民舉藪而言則山澤十等
 皆有材物民居可知也。○兩猶至材物。○釋曰訓
 兩猶耦者欲取在上與民相協耦聯綴使不離散也
 云牧州長也者禮記王制云二百一十國以為州州
 有伯伯則長故云牧州長也鄭注下曲禮云選賢侯
 為之云九州各有封域以居民也者詩云帝命式于
 九圍九圍則九州各有封域疆界也言此者證以地
 得民云長諸侯也者對則大夫稱長諸侯稱君今此
 上言牧下言長故據諸侯也云師諸侯師氏者此一
 經皆據諸侯又經云以賢得民是諸侯師氏也云有
 德行者師氏職云以三德三行教國子故知有德行
 也云儒諸侯保氏有六藝者以經云以道得民保氏
 職云掌養國子以道教之六藝故知諸侯保氏不可
 同天子之官故變保言儒儒亦有道德之稱也宗繼
 別為大宗收族者見禮記大傳云繼別為大宗對繼
 禰為小宗故云大又云敬宗故收族族食族燕是所
 以收族也鄭司農云主謂公卿大夫世世食采不絕

正月建寅之月始和謂陽和始
 周禮疏
 正月之吉始和布治于邦國都鄙乃縣治

民稅薄利之者先鄭意以薄稅為利後鄭不從者稅
 法有常故孟子云若輕之於堯舜大貉小貉重之於
 堯舜大桀小桀是不得有輕重皆以什一為正何得
 薄稅以利民乎故不從也云玄謂利讀如上息利民
 之利者謂以政教利之者上息利民忠也此左氏傳
 隨季良之辭也云吏小吏在鄉邑者謂若比長閭胥
 或在鄉或在公邑采邑皆是云友謂同井相合耦耨
 作者鄭意非謂同師曰友正是同在井邑之間共居
 若里宰職合耦于耨注云合耦使相佐助者也云孟
 子曰鄉田同井出入相友守望相助疾病相扶則百
 姓親睦引孟子鄉田同井者以證友是同井之友但
 鄉遂為溝洫不為井田而云鄉田同井者鄉遂雖不
 為井田亦三三相任以出稅與井田同故云同井或
 解同井水義亦通也云藪亦有虞者地官澤虞職云
 每大澤大藪中士二人是藪有虞也云掌其政令已
 下皆澤虞職文云富謂藪中材物者謂有薪蒸蒲葦
 藪中所有之物也

治法重之于象而懸於象魏
使人觀治象而遵行之

懸者即于正月縣之也正歲即
正月也三正雖互建皆不改月請
經可見

意按正歲縣象魏經無明文
或即於正月之吉縣之

象之法于象魏使萬民觀治象挾日而斂之

註正月

周之正月吉謂朔日大宰以正月朔日布王治之事

於天下至正歲又書而縣于象魏振木鐸以徇之使

萬民觀焉小宰亦帥其屬而往皆所以重治法新王

事也凡治有故言始和者若改造云爾鄭司農云象

魏闕也故魯災季桓子御公立于象魏之外命藏象

魏曰舊章不可忘從甲至甲謂之挾日凡十日

音玄

註同挾子協反字又作決同于本

作甲子合反鐸待洛反狗辭俊反

疏

正月至斂之○
皆謂施前事條謂建子周之正月言之吉謂朔日也
始調和上六與八法已下之事和訖當月即頒布此

治職文書于諸侯邦國卿大夫都鄙言乃縣者乃緩

辭至建寅之正月乃縣治象之法于雉門象魏使萬

民共觀治象挾日者從甲至甲凡十日斂藏之于明

堂於後月月受而行之謂之告朔也

註正月至十

日○釋曰知正月是周之正月者下文乃縣是建寅

明上云正月是周正月知吉是朔日者論語鄉黨云

吉月必朝服而朝是吉謂朔日禮記玉藻云諸侯皮

弁聽朔于大廟或云吉或云朔聽朔在月一日是知

吉為朔日也云大宰以正月朔日布王治之事于天
下者言天下即經邦國都鄙是畿外畿內徧天下即
鄉大夫職云正月之吉受法于司徒退而頒之於其
鄉吏是司徒布教法從六卿已下出則此大宰布法
亦從六卿已下出也云至正歲又書而縣于象魏者
此鄭釋經中乃縣必知乃縣是正歲建寅之月者下
小宰所以佐大宰彼云正歲縣之與此乃縣為一事
故至正歲縣也鄭知據木鐸者約小宰而知也云凡
治有故言始和者若改造云爾者上六典已下至九
兩國法常定今云始和似更新其事改造云爾其實

不改鄭司農云象魏闕也者周公謂之象魏雉門之外兩觀闕高魏魏然孔子謂之觀春秋左氏定二年夏五月雉門災及兩觀是也云觀者以其有教象可觀望又謂之闕者闕去也仰視治象闕去疑事或解闕中通門是以莊二十一年云鄭伯享王于闕西辟註闕象魏也案公羊傳云子家駒謂昭公云諸侯僭天子大夫僭諸侯久矣公曰吾何僭矣哉子家駒曰設兩觀乘大路何氏云天子兩觀諸侯臺門則諸侯不合有觀也若然雉門災及兩觀及禮運云遊於觀之上有觀亦是僭也云故魯災季桓子御公立于象魏之外命藏象魏曰舊章不可忘者此哀公三年左氏傳辭案彼桓僖廟災天火曰災謂桓僖廟被天火所燒舊章象魏在太廟中恐火連及故命藏之若然象魏縣教治也以其象魏建寅之月縣之十日藏之大廟中季桓子曰與公立於雉門象魏之外觀舊縣之處命藏大廟中象魏引之者證象魏是教象之法又云從甲至甲謂之挾日凡十日者破諸家從甲至癸謂之挾日通也若從甲至癸仍有癸日不得通挾

故以從甲至甲言之乃施典于邦國而建其牧立其監設其參

傳其伍陳其殷置其輔 乃者更申勅之以侯伯有

功德者加命作州長謂之牧所謂八命作牧者監謂

公侯伯子男各監一國書曰王啟監厥亂為民參謂

卿三人伍謂大夫五人鄭司農云殷治律輔為民之

平也玄謂殷眾也謂眾士也王制諸侯上士二十七

人其中士下士各居其上之三分輔府史庶人在官

者也 參七南反于云三分也傳戚音附徐 疏 乃施

輔釋曰上以言六典治邦國更言施典于邦國故鄭云乃者更申勅之所施者典則建其牧已下是也

言傳者大夫上有鄉下有士受上政傳於下受下政傳於上

凡前項
建立也每一州之中立一牧立其監者每一國之中
立一諸侯使各監一國設其參者謂諸侯之國各立
三卿傳其伍者謂三卿下各立五大夫陳其殷者三
卿下各陳士九人三九二十七置其輔者謂三卿下
各設府史胥徒。註乃者至官者。釋曰鄭云以侯
伯有功德者加命作州長謂之牧者案下曲禮云州
牧於外曰侯即是先取侯有功德者為牧若無賢侯
伯亦得故連言侯伯有功德者云加命作州長者以
其侯伯七命州牧八命故云加命作州長云所謂八
命作牧者案大宗伯職云七命賜國八命作牧是也
若殷之牧下天子使大夫三人為三監至周使伯佐
牧不使大夫故詩施丘序云施丘責衛伯也鄭云衛
康叔之封爵稱侯今日伯者時為州伯也周之法使
伯佐牧即僖公四年五侯九伯五侯是州牧九伯是
牧下之伯云監謂公侯伯子男各監一國引書曰王
啓監厥亂為民者此是尚書梓材之篇周公封康叔
而劬之證監是諸侯之義也云參謂卿三人者案左
氏傳杜泄云吾子為司徒夫子為司馬孟氏為司空

則諸侯三卿司徒司馬司空也云伍謂大夫五人者
謂司徒下二大夫一大夫為司徒大夫一大夫為大
宰大夫司空下二大夫一大夫主司事一大夫為
司空大夫司馬事省闕一大夫故五人鄭司農云殷
治律輔為民之平也者謂置官主法律輔為人之平
者謂置輔是平斷此先鄭蓋是後代之法故後鄭易
之云玄謂殷眾也謂眾士者士稱殷與旅司並是眾
義故鄭玄謂眾士也又引王制諸侯上士已下者按
彼註大國之士為上次國之士為中小國之士為下
言數各居其上之三分者此謂盟會立位之序大國
之士為上北而前行上九中九下九次國之士為後
行上士當大國之中士中士當大國之下士下士當
其空小國之上士當大國之下士中士當次國之下
士下士當其空故云數各居其上之三分引之為破
司農殷為治律云輔府史庶人在官者破司農輔為
民之平若然建立陳置其義可知其伍言傳者謂大
夫上有卿下有士受上政傳於下受下政傳於上故獨云傳
乃施則于都鄙而建

其長立其兩設其伍陳其殷置其輔長謂公卿大

夫王子弟食采邑者兩謂兩卿不言三卿者不足于

諸侯鄭司農云兩謂兩丞疏乃施至其輔釋曰上

施則於都鄙故言乃亦是更申勅之義建其長謂公

卿王子弟為采邑之主以是一邑之長故言建其長

立其兩者謂每采地之中立其兩卿設其伍陳其殷

置其輔義與上邦國同註長謂至兩丞釋曰云

長謂公卿大夫者案典命云三公八命其卿六命其

大夫四命案大宗伯云六命賜官彼註王六命之卿

賜官者使得自置其臣治家邑如諸侯則此云長唯

據公卿已上大夫四命不合立官此鄭云長謂公卿

大夫并言大夫者以其大夫雖立官不與公卿同亦

得稱長是廣解長義其實大夫不合有兩卿五大夫

當與諸侯之卿同官事當相兼也云王子弟食采邑

者謂親王子弟食邑與三公同在五百里置地各百

里其次疏者在四百里縣地各五十甲與六卿同已

上二者得立兩卿五大夫之等其次更疏者在三百

里稍地各食二十五里與大夫同不得立兩卿五大

夫亦職相兼也云兩謂兩卿不言三卿者不足於諸

侯者以畿外諸侯南面為尊故得申而立三卿天子

三公六卿雖尊以其在天子之下故屈而立兩卿不

足於諸侯鄭司農云兩謂兩丞者以其兩卿丞副其

長先鄭以後代之官况之故云兩丞也此中唯有都

鄙無家邑之名故都鄙中含有公卿大夫春官都宗

六曰民心無常難令易曉苟非
平時春德不忍去則區區之名
位不可得而留也周禮九兩之法
救以地長以貴主以利吏以治數
以富足以養民之身師以賢儒
道足以繫民之心宗以族使知
天屬之親不可離友以任使知
道之交不可間然後相安相養
相親相遜雖有變故不忍去
也後世九兩既廢人心易離匹夫
匹婦不獲所求而樂國樂郊
之恩發於中而形于言者上之
人果何道而繫屬其心耶

立臣如諸侯即此文卿與公同若稱
長可及大夫亦此註舍大夫是也
乃施灋于官府

而建其正立其貳設其攷陳其殷置其輔
正謂冢

宰司徒宗伯司馬司寇司空也貳謂小宰小司徒小

宗伯小司馬小司寇小司空也考成也佐成事者謂

宰夫鄉師肆師軍司馬士師也司空亡未聞其考

乃施至其輔○釋曰案上官府在都鄙上此文在都

鄙下者欲見都鄙置臣與諸侯同又見諸侯下亦有

都鄙之義故進都鄙在上使文丞邦國之下也已上

言八法治官府今更言施法于官府言乃者亦是更

中勅之也而建其正正長也亦是一官之長若大宰

之等云立其貳者謂小卿副貳大卿即小宰之等設

其考者考成也佐成事者宰夫之等也殷輔義與前

同○註正謂至其考○釋曰宰夫已下竝是五官之

長云司空亡未聞其考者案鄉師云及葬執纛以與

匠師御匱註云匠師事宮之屬其於司空若鄉師之

於司徒若然鄉師是司徒之考則匠師亦司空之考

而此云未聞者彼文以義約之司空考匠師也無正

文故此云未聞也凡治以典待邦國之治以則待都鄙之治

以灋待官府之治以官成待萬民之治以禮待賓客

之治成八成禮賓禮也凡治至之治○釋曰以

出之者以上親親敬故進賢使能保庸尊貴達吏皆是王行之於朝以示於民使民觀之入善不必更別有禮唯禮賓請別有禮若聘禮之類也此皆言以者當別有篇卷使人執持施行之知然者以周禮六官皆邦國之治則六官掌事不可專主邦國故知別有篇卷但在三百之中亡逸也。○**註**成八至禮也。○釋曰八成小宰職掌禮賓禮者若聘禮覲禮掌客之等是也。

誓戒與其具脩

註

祀五帝謂四郊及明堂誓戒要之

以刑重失禮也明堂位所謂各揚其職百官廢職服

大刑是其辭之略也其所當共脩掃除糞酒

○要一

弗運反洒

疏

祀五至具脩○釋曰祀五帝則掌百官

色責反之誓戒者謂祭前十日已前誓戒百官則大宰掌之與其具脩者使百官供祭祀之具及脩之掃除也。○**註**祀五至糞酒○釋曰五帝者東方青

帝靈威仰南方赤帝赤熒怒中央黃帝含樞紐西方白帝白招拒北方黑帝汁光紀依月令四時迎氣及季夏六月迎土氣於南郊其餘四帝各於其郊并夏正祭所感帝於南郊故云祀五帝於四郊也鄭云及明堂者總饗五帝於明堂依月令秦用季秋鄭云未知周以何月案下曲禮云大饗不問卜鄭云祭五帝於明堂莫適卜也彼明堂不卜此下經云帥執事而卜日則此祀五帝不合南明堂鄭云及明堂者廣解祀五帝之處其實此處無明堂云誓戒要之以刑重失禮者言要之以刑則服大刑是也言重失禮者以失禮為重故要之以刑引明堂位彼在祭祀之下陳之謂祭日此是未祭前引之者欲見祭前誓戒還用祭日之辭以勅之故或前或後其辭同云是其辭之略者謂誓戒之時其辭應多不應唯有此言故云辭之略也又云具所當供者祭祀之連事祭祀之具百官共供故云具謂所當供又云脩掃除糞酒者案宮人云掌六寢之脩守祧云其廟有前期十日帥執事司脩除之是其脩掃除糞酒也

而卜日遂戒前期前所諏之日也十日容散齊七

日致齊三日執事宗伯大卜之屬既卜又戒百官以

始齊○前如字于本同徐昨見反本或作先如字又

下前期至遂戒○釋曰前期者謂祭日前夕為期

同○疏云前期十日者即是祭前十日大宰帥宗伯

大卜之屬執事之人而卜日又言遂戒者謂祭前十

日遂戒百官始齊○釋曰云前期

前所諏之日者此依少牢所諏之日即祭日也凡祭

祀謂於祭前之日為期今言前期十日者明祭前十

一日上卜之後日遂戒使散齊致齊故云十日容散

齊七日致齊三日案禮記祭統云散齊七日以定之

致齊三日以齊之云執事宗伯大卜之屬者大宗伯

職云凡祀大神享大鬼祭大示帥執事而卜日謂宗

伯也又案大卜云大祭祀視高命龜故知執事申

有宗伯大卜之屬中含有小宗伯及卜師故言之屬

但四時迎氣冬至夏至郊天等雖有常時常日猶須

審慎仍卜口故表記云不犯日月不違卜筮註日以

謂冬夏至正月及四時也所不違者日與牲尸也假

令不吉改卜後口故箴膏肓云天子郊以夏正上旬

之日魯之卜三正下句之口也

是雖有常時常日猶卜口也

初為祭事前祭日之夕滌濯謂灑祭器及甑甗之屬

○眡音視本又作視後皆同滌直歷反濯直用反灑

古愛反甗魚善反徐音彦一音言本又作甗音歷

疏

及執事眡滌濯案春官小宗伯大祭祀眡滌濯大宗伯

亦云宿眡滌濯彼二官親眡滌濯大宰尊亦往涖之

註云執事初為祭事前祭日之夕知者案下經及納

亨者是祭日此云眡滌濯儀禮特牲亦云前祭日之

夕視壺濯及豆遷士甲得與人君同少牢大夫禮當

祭日灑祭器者下人君也註又云滌濯謂灑祭器及

甑甗之屬知然者案少牢饗人灑鼎七俎廩人灑甑

周禮疏

卷之二二十九

獻司宮漑豆籩及勺爵此不言
七俎豆籩勺爵者之屬中舍之
及納亨贊王牲事

納亨納牲將告殺謂鄉祭之晨既殺以授亨人凡大

祭祀君親牽牲大夫贊之
○亨普庚反註同劉
納

至牲事○釋曰及猶至也至納亨者案禮記明堂位

君肉袒迎牲于門卿大夫贊君及殺訖納與亨人故

言納亨云贊王牲事者即是卿大夫贊幣一人也○

納納亨至贊之○釋曰云納亨納牲將告殺者謂牽

牲入時也禮器云納牲詔于庭殺訖毛以告純血以

告殺腥其俎肫解而腥之以此訖乃納與亨人燔祭

此言納亨者以牽牲也云謂嚮祭之晨者案檀弓云

周人大事以日出故知納亨是嚮祭之晨此祭天無

裸故先迎牲若宗廟之祭有裸而後迎牲也云既殺

以授亨人者案亨人職職外內饗之饗亨謂腥其俎

後云凡大祭祀君親牽牲大夫贊之者此明堂

位文彼魯侯用天子禮故還以引證天子法

及祀

之日贊玉幣爵之事

日且明也玉幣所以禮神玉

與幣各如其方之色爵所以獻齊酒不用玉爵尚質

也三者執以從王至而授之
○齊才
碗
○及祀至之事

至也至祭日謂質明贊助也執此玉幣爵三者助而

授王也○**碗**日且至授之○釋曰案特牲少牢皆質

明行事故知且明云玉幣所以禮神玉與幣各如其

方之色者上云祀五帝以為迎氣於四郊之等案大

宗伯以玉作六器以禮天地四方又云青圭禮東方

赤璋禮南方白琥禮西方玄璜禮北方季夏六月迎

土氣於南郊亦用赤璋下云牲幣彼雖幣不是禮神
之幣亦云各放其器之色是其禮神幣與玉亦各如
其方色也云爵所以獻齊酒者案冪人云疏布冪八
尊八尊者五齊三酒之尊以其祭天無裸故無彝尊
也云不用玉爵尚質也者對下經享先王用玉爵尚
文此祭天不用玉爵故云尚質云三者執以從王至

而授之者謂至此祀圓丘方澤祭所而授祀大神示

之王親自執玉幣奠於神坐親酌以獻尸亦如之○示本又祀大神示○釋曰云祀

大神謂冬至祭天於圓丘云祀大神謂夏至祭地於

方澤亦如之者從掌百官誓戒已下贊玉幣爵之事

已上皆如祀五帝之禮○大神祗謂天地○釋曰

此天謂大天對五帝為小天此地謂大地對神州之

神為小地故享先王亦如之贊玉几玉爵玉几所

云天地也以依神天子左右玉几宗廟獻用玉爵○享許兩反

幣享先至玉爵○釋曰亦如之下別言贊玉几玉

同爵則天地不用玉几玉爵其言亦如之者謂亦

贊玉牲事已上不云大者欲見宗廟六享同然○

玉几至玉爵○釋曰云天子左右玉几者此是司几

筵文彼所云者謂王受諸侯朝覲會同所設今此享

先王鬼神之几亦與王平生同故引為證此享先王

有玉几玉爵天地有爵但不用玉飾祭宗廟用玉几

天地亦應有質几不言之者文不具云宗廟獻用玉

爵者按明堂位獻用玉琖謂王朝大朝覲會同贊玉

踐饋獻隋尸時若裸則用圭瓚也幣玉獻玉几玉爵

助王受此四者時見曰會殷見

曰同大會同或於春朝或於秋覲舉春秋則冬夏可

知玉幣諸侯享幣也其合亦如小行人所合六幣云

玉獻獻國珍異亦執玉以致之玉几王所依也立而

稱大朝覲贊助也助王受此玉幣玉獻玉几王爵也
○**註**助王至階上○釋曰云時見曰會者此大宗伯
文案彼註時見者言無常期諸侯有不順服者其順
服者皆來會以師助王討之故云時見曰會云殷見
曰同者亦大宗伯職文殷猶衆也謂十二歲王如不
巡狩諸侯衆來同見天子故曰殷見曰同云大會同
或於春朝或於秋覲者大會雖無常期當春來即是
春朝當秋來即是秋覲當夏來即是夏宗當冬來即
是冬遇若大同則有常期春東方六服盡來夏南方
六服盡來秋冬司農云舉春秋即冬夏可知者經直
云大朝覲不言宗遇有宗遇可知在國行朝禮訖乃
皆爲壇於國外而命事焉云玉幣諸侯享幣也者諸
侯會同皆依四時常朝亦春夏受贊于朝受享幣者
於廟秋冬一受之於廟受朝既訖乃受享獻國所有
珍異其行享之時亦璧琮如束帛以致之云其合亦
如小行人所合六幣云者案小行人所合六幣圭以
馬璋以皮璧以帛琮以錦琥以繡璜以黼據彼鄭註
五等諸侯享天子用璧以帛享后帛琮以錦則圭以

馬璋以皮者謂二王之後享天子用圭以馬享后帛
璜以皮則琥以繡璜以黼者子男自相享法但小行
人所云者謂四時常朝不見大朝覲會同法約與四
時常朝同無正文故言云也云玉獻獻國珍異亦執
玉以致之者謂三享之外別有獻國珍異亦如三享
執玉以致之故言玉獻謂以玉致獻也云玉几王所
依也者謂王所馮依云立而設几優尊者知立而設
几者案司几筵云大饗射凡封國命諸侯王位設黼
依依前南鄉左右玉几是立而設几也但春夏受享
秋冬一受之於廟廟中則有展前設几法几爲坐設
今立而設几故云優至尊也云玉爵王禮諸侯之酢
爵者案大行人云上公再裸而酢侯伯一裸而酢子
男一裸不酢此裸時大宗伯攝裸非冢宰所贊但諸
侯酢王用玉爵則冢宰贊王受之故云贊王爵云王
朝諸侯立展前南面者此約司几筵知之謂秋冬朝
時云其禮之於阼階上者言禮之謂裸諸侯是也知
王在阼階上者當依賓主之禮案燕禮主君在**大喪**
阼賓在牖戶之間故知禮之王在阼階上也

贊贈玉含玉

註

助王為之也。贈玉既窆所以送先王。

含玉死者口實。天子以玉。雜記曰：含者執璧將命曰

寡君使其含，則諸侯含以璧。鄭司農云：含玉，璧琮。

本又作哈，戶暗反。後同窆，彼

疏

大喪至含玉。釋曰：大喪謂王喪，贊王為

驗反。徐補贈反琮才宗反。

註

此二者也。助王至璧琮。釋曰：大喪既送

先王者，案既夕士禮既窆，謂下棺訖，主人贈用玄纁

以入壙。王喪雖無文，應更有加，亦當以玄纁為主也。

所贈亦既窆時也。云含玉死者口實者，案士喪禮用

貝三，鄭註左右齶及中央象齧，堅王含用玉，義亦然

也。又檀弓云：飯用米，貝不忍虛也。故云口實也。云天

子以玉者，此云含玉，玉府典瑞皆直云玉無異物之

稱對大夫已下不用玉，其實亦為璧形，故引雜記復

引先鄭為璧琮之形也。但含玉始死用之，贈玉於葬

大事則戒于百官贊王命

註

助王為教令。春秋傳曰：

國之大事在祀于戎。

疏

作大至王命。釋曰：上巳云

戒百官訖，則此云作大事，戒于百官，唯戎事也。

助王至于戎。釋曰：春秋傳者，成十三年劉康公成

肅公會諸侯伐秦，成子受賑于社，不敬。劉子曰：國之

大事在祀與戎，祀有執膳戎，有受賑神之，大節也。今

成子惰棄其命矣，其不反乎引之。王眡治朝則贊聽

者證經大事是戎事，連引在祀耳。王眡治朝則贊聽

治朝

治朝在路門外，羣臣治事之朝。王視之，則助王

平斷

註

治朝至平斷。釋曰：王有三朝，必知此是

朝圖宗人嘉事二者，並於事簡非正朝。眡四方之聽

各獻其治狀受其事功之
計聽其所致而詔王廢置之

朝亦如之謂王巡守在外時守音狩本亦作狩後巡狩皆放此

謂王至外時釋曰經云四方聽朝故知巡狩時此鄭據依常者而言征伐外亦有聽朝法以非常法故不

凡邦之小治則冢宰聽之待四方之賓客之小治凡邦至聽之釋曰重出冢宰

大事決於王小事冢宰傳平釋曰重出冢宰之名者據百官總

歲終則令百官府各正其治受其會正正處也會大計也疏正正至計也釋曰

百官府各正其治謂正處其所治文書大宰乃受其計會也云會大計者一歲計會即宰夫職云歲計曰會是

聽其致事而詔王廢置平其事來至者之功也狀而奏白王聽其至廢置釋曰百官致其治政功狀與冢宰聽斷其所致之功狀文

書而詔告于王有功者置之進三歲則大計羣吏之其爵有罪者廢之退其爵也

治而誅賞之事夕則聽之大無功不徒廢必罪之

大有功不徒置必賞之鄭司農云三載考績疏三歲至賞

之釋曰三年一閏天道小成則大計會百官羣吏之治功文書上計當年已有廢置今三年上大計人

無功不徒廢更加罪大有功不徒置更加賞也鄭司至考績釋曰此尚書舜典文彼云三載考績

黜陟幽明彼三年一考與此同故引證三歲大計也

周禮註疏卷第二

周禮註疏卷第三

漢鄭氏註

唐賈公彥疏

小宰之職掌建邦之宮刑以治王宮之政令凡宮之糾

禁

杜子春云宮當皆為宮玄謂宮刑在王宮中者

之刑建明布告之糾猶割也察也若今御史中丞宮

刑鄭如字于同杜作宮**疏**杜子至中丞。釋曰後鄭以宮刑

又見下文觀治象乃退以宮刑憲禁于王宮故知宮

刑明矣云建明布告之者上冢宰尊所云建典之

通受司考之使知功過所在

法則太宰既德其恭縱之權

小宰則掌其貳以考功罪之實

貢賦式太宰既制其敘散之政

小宰則執其貳而謹出納之籍

云糾猶割也察也者既言糾謂糾舉其非事已發者
依灋斷割之事未發者審察之云若今御史中丞者
應邵云秩千石朝會獨坐副貳御史大夫內堂
蘭臺圖籍外督刺史糾察百寮故舉漢法况之掌邦

之六典八灋八則之貳以逆邦國都鄙官府之治

逆迎受之鄭司農云貳副也。治直吏反。掌邦至

釋曰大宰本以六典治邦國今還以六典逆邦國之

治逆謂迎受句考之也大宰本以八法治朝廷官府

今還以八法句考官府之治大宰本以八則治都鄙

也執邦之九貢九賦九式之貳以均財節邦用

至邦用。釋曰此三者並大宰所掌者以其冢宰制

國用九貢九賦九式用之事之大者故小宰

副貳之然大宰有九職小宰不貳之者以其九職云

任萬民小宰若云貳謂任使亦貳之故不言其實九

職任之使之出貢用之則小宰亦貳之九貢中兼之
矣以其九職亦有九貢故也以均財節邦用者以九
式並舊有灋式多少不
得增減故云均節也
以官府之六敘正羣吏一曰

以敘正其位二曰以敘進其治三曰以敘作其事四

曰以敘制其食五曰以敘受其會六曰以敘聽其情

情爭訟之辭。以官府至其情。釋曰凡言

依秩次則羣吏得正故云正羣吏也。一曰以敘正

其位者謂若卿大夫士朝位尊卑次列。二曰以敘

進其治者謂卿大夫士有治職功狀文書進于上亦

先尊後卑也。三曰以敘作其事者謂有所執掌起

事亦先尊後卑也。四曰以敘制其食者謂制祿依
爵命授之亦先尊後卑也。五曰以敘受其會者謂

一曰官有尊卑則所治有詳
略大事不聽其長則卑者從
而政事小事不專決則尊者
煩而無功先王之取羣臣各
有其道也

歲終進會計文書受之亦先尊後卑也。六曰以敘聽其情者情謂情實則獄訟之情受聽斷之時亦先尊後卑也。○**敎秩次也。**釋曰云以官府之六屬秩次者謂尊卑之常各有次序也。

舉邦治一曰天官其屬六十掌邦治大事則從其長
小事則專達二曰地官其屬六十掌邦教大事則從其長
小事則專達三曰春官其屬六十掌邦禮大事則從其長
小事則專達四曰夏官其屬六十掌邦政大事則從其長
小事則專達五曰秋官其屬六十掌邦刑大事則從其長
小事則專達六曰冬官其屬六十掌邦事大事則從其長
小事則專達

釋大事從其

長若庖人內外饗與膳夫共王之食小事專達若宮人掌舍各為一官六官之屬三百六十象天地四時日月星辰之度數天道備焉前此者成王作周官其志有述天授位之義故周公設官分職以灋之

○達干云

達決

疏

以官府至專達。釋曰六屬舉邦治者謂官也。盛任使立長官必當以屬官佐之邦治得舉

是以六官各有其屬六十故云官府之六屬舉邦治也。一曰天官謂大宰之官其屬六十謂宮正至夏冢皆掌治職故云掌治也。云大事則從其長者謂若膳夫鄭註云膳夫食官之長也則下庖人內外饗亨人有事皆來諮白膳夫故云大事從其長也。小事則專達者謂若宮人掌舍無大事無長官可諮自專行事以下五官皆此類也。○**釋**大事至灋之。釋曰云大事從其長若庖人內外饗與膳夫共王之食者此並

共王食是同事故庖人已下諮膳夫長官也云小事專達者若宮人掌舍直掌王之行設榘極之等二官竝是小事又不立長官當官行事故云各為一官是專達也鄭直舉天官之內其事顯者各言其一餘官若大府鄭云治藏之長地官司市鄭云市官之長春官大司樂鄭云樂官之長夏官司甲鄭云兵戈盾官之長如此之類其事甚多不可具陳也小事則專達天官甚眾亦不可具言也云六官之屬三百六十象天地四時日月星辰之度數者依周髀七曜皆云周天三百六十五度四分度之一舉全數亦得云三百六十也言地則與天配合四時言周天亦是地之數十二月亦是周天之數日日行一度月日行十三度十九分度之七日月所行亦在周天之數星辰謂二十八宿十二次亦在周天數內皆不離三百六十五度四分度之一耳天地四時日月星辰之度數所從言之異耳故尚書洪範云五紀一曰歲二曰月三曰日四曰星辰皆別言之下以歷數總結之亦是類也云天道備焉者以此三百六十官是天道備矣云前

此者成王作周官其志有述天授位之義者鄭依書傳云周公攝政三年滅奄與滅淮夷同時又按成王周官成王既黜殷命滅淮夷還歸在豐作周官則成王作周官在周公攝政三年時周公制禮在攝政六年時故云前此者謂成王前於此時作周官其志謂成王志意有述天授位之義即彼周禮云唐虞稽古建官惟百夏商倍之今予小子訓迪厥官以立太史太傅太保茲惟三公論道經邦燮理陰陽下又云古三孤及天地四時之官是其志有述天地三百六十官位之義故周公設官分職法之也此鄭義不見古文尚書故為此解若孔據古文尚書多士已下竝是周公致政後成王之書周公攝政時淮夷奄與管蔡同作亂成王即政後又叛成王親征之故云滅淮夷還歸在豐作周官用人之法則彼周官在此周禮後與鄭義異也

以官府之六職辨邦治一曰治職以平邦國

以均萬民以節財用二曰教職以安邦國以寧萬民

以懷賓客三曰禮職以和邦國以諧萬民以事鬼神
四曰政職以服邦國以正萬民以聚百物五曰刑職
以詰邦國以糾萬民以除盜賊六曰事職以富邦國
以養萬民以生百物
註懷亦安也賓客來共其委積
所以安之聚百物者司馬主九畿職方制其貢各以
其所有
○委於僞反下賙
○以官至百物
○釋曰云
委同積子賜反
○以官府六職辨邦治者
六官者各有職若天官治職地官教職其職不同邦
事得有分辨故云以辨邦治也
○一曰治職者謂以
平為義也云以節財用者亦以制國用故也
○一曰
教職以安邦國以寧萬民者安邦國與教典同彼云
擾萬民此云寧萬民不同者上擾為馴馴則寧義無
異也云懷賓客者以有委積故賓客懷安也
○二曰

禮職以和邦國以諧萬民者此與上禮典同也云以
事鬼神者以其主祭祀當職之事也
○四曰政職以
服邦國以正萬民者上政典云平邦國均萬民不同
者服由平定使之然則服亦平也均與正義亦一也
云以聚百物者鄭云司馬主九畿職方制其貢貢即
百物也
○五曰刑職以詰邦國以糾萬民此與上刑
典文同云除盜賊者有寇則罪之盜賊得除故云除
盜賊也
○六曰事職以富邦國以養萬民者上事典
以生萬民生則養也與上同此六職不云官府百官
與六典不同者以六職皆當職行事義不及遠故與
六典文異也
○**註**懷亦至所有
○釋曰教典共其委
積者大司徒下有遺人掌十里有廬廬有飲食之等
故云共委積也云司馬主九畿并引職方者司
馬直主九畿無貢物之事故引其屬職方也
以官
府之六聯今邦治一曰祭祀之聯事二曰賓客之聯
事三曰喪荒之聯事四曰軍旅之聯事五曰田役之

聯事六曰斂施之聯事凡小事皆有聯**司農**云

大祭祀大宰贊玉幣司徒奉牛牲宗伯視滌濯涖玉

鬯省牲鑊奉玉盞司馬羞魚牲奉馬牲司寇奉明水

火大喪大宰贊贈玉舍玉司徒帥六鄉之衆庶屬其

六糾宗伯為上相司馬平士大夫司寇前王此所謂

官聯杜子春施讀為施玄謂荒政弛力役及國中貴

者賢者服公事者老者疾者皆舍不以力役之事奉

牲者其司空奉豕與施戶氏反劉本作施音弛杜

鑊戶郭反盞音資鄉音香屬其音燭糾徐音**疏**以官

胤劉音引本或作引相息亮反豕與音餘府至

有聯釋曰云以官府之六聯合邦治者謂官府之

中有六事皆聯事通職然後國治得會合故云合邦

治也。一曰祭祀之聯事三曰喪荒之聯事此二者

鄭註具以其二者顯著故特言之。二曰賓客之聯

事者鄭雖不言案大宰大朝觀會同贊玉幣玉獻大

司徒令野脩道委積大宗伯朝觀會同則為上相大

司寇云凡朝觀會同前王唯大司馬不見有事司空

又亡。四曰軍旅之聯事者以六軍軍將皆命卿田

役亦然且大司徒云大軍旅大田役以旗致萬民大

司馬云大師建大常比軍衆中春教振旅之事。六

曰斂施之聯事者竝大宰任九職九貢九賦司徒制

貢小司徒令貢賦若通數小官則多矣云凡小事皆

有聯者謂司關云掌國貨之節以聯門市之類是也

事皆不言司空司空亡故也大祭祀唯大宰尊不奉

牲宗伯不言奉鷄司馬直言奉馬不兼言奉羊司寇

不言奉犬皆略不言可知杜子春引讀為施者若依

施施是施專事不必連若為弛則於事廣矣故後鄭

不從之玄謂荒政弛力役者此經二曰喪荒荒謂年穀不熟大司徒有荒政十二其中四曰弛力弛力役謂廩人歲不能人二釜則令移民就穀是時弛力役也鄉大夫云國中貴者謂有官爵者賢者謂有德行也鄉大夫云國中貴者謂有官爵者賢者謂有德行者謂廢疾不堪役者皆舍不以力役之事也云奉牲者其司空奉豕與者司空雖亡案五行傳云聽之不聽時則有豕禍豕屬北方又說卦云坎為豕是豕屬水故知司空奉豕無正

以官府之八成經邦治一曰

聽政役以比居二曰聽師田以簡稽三曰聽閭里以

版圖四曰聽稱責以傅別五曰聽祿位以禮命六曰

聽取予以書契七曰聽賣買以質劑八曰聽出入以

要會鄭司農云政謂軍政也役謂發兵起徒役也

一比居謂伍籍也比地為伍因內政寄軍令以伍籍發

軍起役者平而無遺脫也簡稽士卒兵器簿書簡猶

閱也稽猶計也合也合計其士之卒伍閱其兵器為

之要簿也故遂人職曰稽其人民簡其兵器國語曰

黃池之會吳陳其兵皆官師擁鐸拱稽版戶籍圖地

圖也聽人訟地者以版圖決之司書職曰邦中之版

土地之圖稱責謂貸予傅別謂券書也聽訟責者以

券書決之傅傅著約束於文書別別為兩兩家各得

一也禮命謂九賜也書契符書也質劑謂市中平賈

今時月平是也。要會謂計最之簿書。月計曰要。歲計曰會。故宰夫職曰：歲終則令羣吏正歲會。月終則令正月要。傳別故書作傳辨。鄭大夫讀為符別。杜子春讀為傳別。玄謂政謂賦也。凡其字或作政或作正或作征。以多言之。宜從征。如孟子交征利云。傳別謂為大手書於一札。中字別之。書契謂出予受入之。凡要凡簿書之最目。獄訟之要辭。皆曰契。春秋傳曰：王叔氏不能舉其契。質劑謂兩書一札。同而別之。長曰質。短曰劑。傳別質劑。皆今之券書也。事異異其名耳。禮

命禮之九命之差等。○政役鄭音征。司農如字。比毗。反。註同。要會古外反。凡要會會計之字。皆放此。卒子忽。反。下同。閱音悅。貸他代反。著直略反。賈音嫁。月平劉音。以官至要會。○釋曰：以官府之中有八事皆病。是舊法成事品式依時而行之。將此八者經紀國之治政。故云經邦治也。○一曰聽政。役以比居者八事皆聽者。民事爭訟當斷之也。政謂賦稅役謂使役。民有爭賦稅使役。則以地比居者共聽之。○二曰聽師。田以簡稽者。稽計也。簡閱也。謂師出征伐及田獵。恐有違濫。則當閱其兵器。與人并算足否。○三曰聽閭里。以版圖者在六鄉。則二十五家為閭。在六遂。則二十五家為里。閭里之中有爭訟。則以戶籍之版士地之圖聽決之。○四曰聽稱責。以傳別者。稱責謂舉責生子。彼此俱為稱意。故為稱責於官於民。俱是稱也。爭此責者。則以傳別券書決之。○五曰聽祿。位以禮命者。謂聽時以禮命之。其人策書之本。有人爭祿之多少。位之前後。則以禮命文書聽之也。○六

曰聽取子以書契者此謂於官直貸不出子者故云
 取予若爭此取予者則以書契券書聽之。七日聽
 賣買以質劑者質劑謂券書有人爭市事者則以質
 劑聽之。八曰聽出入以要會者歲計曰會月計曰
 要此出入者正是官內自用物有人爭此官物者則
 以要會簿書聽之。鄭司至差等。釋曰政軍政
 後鄭不從者若軍政自在大司馬聽之何得在此乎
 云比居謂伍籍也者即司徒職五家為比出軍即五
 人為伍云因內政寄軍令者謂在家五家為比五比
 為閭四閭為族五族為黨五黨為州五州為鄉若出
 軍則家出一人則還五人為伍是一比長還為五長
 領之二十五人為兩是一閭閭胥即為兩司馬領之
 以此言之至一鄉出一軍軍將還是鄉大夫為之是
 因內政寄軍令此管子文彼云作內政司農云因內
 政者讀字不同云簡稽士卒兵器簿書者士卒謂車
 別甲士三人步卒七十二人兵器謂弓矢及矛戈戟
 皆有簿書故引遂人以證之也云國語曰黃池之會
 者吳語吳晉爭長吳人令曰伏兵甲陳士卒百人為

徹行頭官帥擁鐸拱稽名籍也先鄭為計計謂據名
 籍計之義合故引之也云版戶籍者後鄭下註亦云
 鄉戶籍圖謂民之地圖故引司書版圖以證之云責
 謂貸子者謂貸而生子者若今舉責即地官泉府職
 云凡民之貸者以國服為之息若近郊民貸則一年
 十一生利之類是也云傳傳著約束於文書別者各
 得其一二家別釋後鄭不從者名為券書即是傳著
 於文書可知後鄭傳別二字共為一事解之云禮命
 謂九賜也者後鄭不從者九賜之言出自禮緯舍文
 嘉八命已上乃有九賜此所聽斷何得取八命已上
 解之云書契符書也者謂官券符璽之書此據官予
 民物何得為符璽之書解之故後鄭不從也云質劑
 謂市中平賈今時月平是也後鄭不從者地官質人
 云大市曰質小市曰劑若今月平賈不合有兩名故
 不從也云月計曰要歲計曰會者官之出入有要會
 簿書計管故引宰夫證之也鄭大夫讀傳別為符別
 後鄭不從又云傳別故書作傳辨不從古書也玄謂
 政謂賦也賦則口率出泉且與役同文皆是科稅之

事也云凡其字或作政者此經政役是也或作正者其字或有作正字者或作征者即孟子云交征利及鄉大夫云皆征之是也云征處多故鄭從征也孟子交征利者案孟子云孟子見梁惠王王曰叟不遠千里而來亦將有以利吾國乎對曰何必曰利亦有仁義而已矣王則曰何以利吾國大夫曰何以利吾家士庶人曰何以利吾身上下交征利則國危矣引之以證征是日稅之法云傳別謂爲大手書于一札中字別之者謂於券背上大作一手書字札字中央破之爲二段別之云書契謂出予受入之凡要者此子則取予謂若泉府云凡賒者祭祀無過旬日喪紀不過三月及旅師云春頒秋斂賒取官物後還無生利之事凡要亦是簿書也云凡簿書之最目獄訟之要辭皆曰契者簿書之最目曰契即取予以書契是也獄訟之要辭曰契即鄭引春秋傳者是也其春秋王叔氏事在襄十年彼云王叔陳生與伯輿爭政晉侯使士甸平王室使王叔氏與伯輿合要王叔氏不能舉其契此即獄訟之要辭曰契云質劑謂兩書一札

同而別之長曰質短曰劑若案地官質人云大市曰質小市曰劑鄭註大市人民馬牛之屬用長券小市兵器珍異之物用短券言兩書一札同而別之者謂前後作一券中央破之兩家各得其一皆無手書字異於傳別故鄭云傳別質劑皆今之券書也云禮命禮之九命之差等者謂若大宗伯九儀從一命受職以至九命作伯以聽官府之六計弊羣吏之治一曰廉善二曰廉能三曰廉敬四曰廉正五曰廉灋六曰廉辨

廉辨

聽平治也平治官府之計有六事弊斷也既

斷以六事又以廉爲本善善其事有辭譽也能政令

行也敬不解于位也正行無傾邪也灋守灋不失也

辨辨然不疑惑也杜子春云廉辨或爲廉端

法者七事皆有舊法依行也
戒飭其事具備其物

用施舍治訟各有職者小宰
奉其要以令之而已

也如字下文治其施舍同斷丁
亂反下同解佳賣反邪似嗟反
之治者六計謂善能敬正灋辨六者不同既以廉為
本又計其功過多少而聽斷之故云六計弊羣吏之
治也。○**聽**平至廉端。釋曰云皆以廉為本者此
經六事皆先言廉後言善能之等故知將廉為本廉
者潔不濫濁也云善善其事有辭譽也者謂有善事
四方令聞辭譽也云能政令行也者謂雖無辭譽所
行政令得行也云敬不解于位也者謂敬其職位恪
居官次也云正行無傾邪也者以其行正直言公正
無私也云灋守灋不失也者謂依灋而行無有錯失
也云辨辨然不疑惑也者謂其人辨然於事分明無
有疑惑之事也杜子春云廉辨或為廉端者經本或
為廉端從鄭不從者若為端端亦正與廉正為重故
不從引之在下者不苟
選之亦得為一義故也
以灋掌祭祀朝覲會同賓客
之戒其軍旅田役喪荒亦如之
灋謂其禮灋也戒

其戒官有事者所當共七事者令百府官共其財用
治其施舍聽其治訟
七事謂先四如之者三也施

舍不給役者七事故書為小事杜子春去當為七事

書亦為七事

○共音恭禮本供字
皆作共可以意求之
灋以灋至治訟
釋曰言以灋掌

祭祀以下七者皆是上六聯百官聯事通職者以其
眾官共故經云令百官府共其財用也然六聯之中
不言朝覲會同者以彼賓客中可以兼之以其朝覲
會同還是諸侯賓客之事此七事不言斂弛以其非
十事中之大事故退之在下。○**灋**謂至當共。○釋
曰言禮灋謂七者皆有舊灋依行若九式曰祭祀之
式云戒其戒官有事所當共也者此七事在大宰八
灋中六曰官灋彼在八曰官計上者以其彼有數故
在上此官法無數故退在六計下也。○**灋**七事至士
事。○釋曰七事先四謂從祭祀至賓客云如之者三

也者從軍旅至喪荒也云施舍不給役者上六聯註引鄉大夫國中貴者老者疾者服公事者是也云七事故書為小事者與經不相當故杜子春從經為正也

凡祭祀贊王幣爵之事 又從大宰助王也將送也裸送送裸謂

贊王酌鬱鬯以獻尸謂之裸裸之言灌也明不為飲

主以祭祀唯人道宗廟有裸天地大神至尊不裸莫

稱焉凡鬱鬯受祭之啐之奠之。裸古亂反為合偽反稱尺證反啐寸對

及 **疏** 又從至奠之。釋曰案大宰職云祀五帝贊王幣爵今此又云祭祀贊此三者謂小宰執以

授大宰大宰執以授王是相贊助故云又從大宰助上也云將送也裸送送裸謂贊王酌鬱鬯以獻尸者

二云贊王幣爵據祭天而下引云裸將是據祭宗廟且上大宰不言贊裸將則大宰不贊之故此註云贊

王酌鬱鬯也云明不為飲主以祭祀者朝踐已後尸乃飲二裸為奠不飲故云不為飲主以祭祀云唯人道宗廟有裸天地大神至尊不裸者據大宰祀五帝及大神示亦如之皆不言裸此文又裸將在王幣爵之下明宗廟有裸天地無裸且大宗伯祀天言禋祭社言血享大神不灌者不用降神無妨用拒鬯必若然天地用八尊直有五齊三酒不言拒鬯尊者以其

冢人職天地八尊者以與宗廟六彝相對為文鬯人職拒鬯不入葬尊則別有尊矣不言者略耳不裸者

覆載之德其功尤盛欲報之德無可稱焉故無裸直加敬而已其牲用特其器陶匏皆足是質略之事故鄭

云莫稱焉云凡鬱鬯受祭之啐之奠之者謂王以圭瓚酌鬱鬯獻尸后亦以璋瓚酌鬱鬯獻尸尸皆受灌

地也祭天地既言無灌案宗伯涖玉鬯又案禮記表

記云親耕粢盛拒鬯以事上帝上帝得拒鬯者案

春官鬯人職掌共拒鬯下所陳社稷山川等外神皆

用拒鬯不用鬱廟言灌且亦天地無裸也天地無人

及古閣

職用鬯者唯有宗廟及裸賓客耳 **凡賓客贊裸凡受爵之事凡受幣**

之事 唯裸助宗伯其餘皆助大宰王不酌賓客而

有受酌大宗伯職曰大賓客則攝而載裸 **疏** 凡賓至

釋曰凡賓客贊裸者案大行人云上公載裸而酢侯

伯一裸而酢子男一裸不酢謂諸侯來朝朝享既畢

王禮之有贊灌酢之禮也云凡受爵之事者謂上公

與諸侯酢王之爵王受之云凡受幣之事者謂廟中

行三享享時璧以帛琮以錦致享時有此受幣之事

皆言凡者謂諸侯非一故言凡以廣之也 **疏** 唯裸

至載裸 **釋** 曰言唯裸助宗伯者後引宗伯職者是

也云其餘皆助大宰者謂受爵幣二者皆助大宰賓

客酢王之時大宰於賓處受而授王王飲訖大宰受

爵以授小宰受幣之時亦王親受受以授大宰大宰

以授小宰也云王不酌賓客而有受酌者案燕禮使

宰夫為主人是君不酌臣於諸侯亦然受酌是飲酒

之事臣不可代君飲酒故有受酌之事也又引大宰

伯職曰大賓客則攝而載裸者案彼鄭註云載為也

言為者攝酌獻耳拜送則王也若然大宗伯非直攝

工裸若上公再裸兼有后裸之時人宗伯亦代后裸

也拜送則后也拜乃恭敬之 **喪荒受其含禭幣玉之**

事 春秋傳曰口實曰含衣服曰禭凶荒有幣玉者

賓客所賙委之禮 **疏** 賙音周 **疏** 喪荒至之事 **釋** 曰

有致含禭幣玉之事荒謂凶年諸侯亦有致幣玉之

事上大宰不言則此小宰專受之案禮記少儀云臣

致禭於君則曰致廢衣於賈人則諸侯臣皆得致含

禭也 **疏** 春秋至之禮 **釋** 曰云春秋傳者公羊文

其合禭所用死之時若既殯之後亦容有致之禮

故禮記雜記殯後諸侯遣使致含禭之禮主人受

之雖不及事容致厚意是以春秋左氏秦人來歸僖

公成風之禭亦在踰年後春秋不譏也云凶荒有幣

玉者

玉者賓客所賙委之禮者案小行人云若國凶荒則令賙委之彼謂王家賙委諸侯法此謂諸侯賙委王家也
月終則以官府之敘受羣吏之要主每月之

小計**月終至之要**釋曰月計曰要故每月月終則使官府致其簿書之要受之當先尊後卑故言敘
主每月之小計釋曰言小計對**贊冢**下經歲會為大計也若大會則下文冢宰平之

宰受歲會歲終則令羣吏致事使齋歲盡文書來
至若今上計齋子今反上**贊冢至致事**釋曰

冢宰則據百官總焉謂助冢宰受一歲之計云歲終則令羣吏致事者謂使六官各致一年功狀將來考之故也
使齋至上計釋曰漢之朝集使謂之上計吏謂上一年計會文書及功狀也**正歲**

帥治官之屬而觀治象之法狗以木鐸曰不用灋者

國有常刑正歲謂夏之正小得四時之正以出教

令者審也古者將有新令必奮木鐸以警眾使明聽

也木鐸木舌也文事奮木鐸武事奮金鐸夏戶雅反後放此

疏正歲至常刑。釋曰此則大宰周之正月之言始

和布之於天下至此建寅正歲之正月懸之於象魏其小宰亦助大宰帥治官六十官之屬及萬民而觀治象之法使知當年治政之法也其時小宰徇以木鐸以警眾曰不用灋者國有常刑欲使之用命不犯刑也
正歲至金鐸釋曰知正歲是夏之正

月者見凌人云正歲十有二月令斬冰若正歲是建子周正即今之十月水未堅不得斬之言正歲得四時之正周殷則不待以此推之諸言正歲者皆四時之正是建寅之月云古者將有新令必奮木鐸以警眾者案禮記檀弓云自寢門至於庫門振木鐸曰舍

故而諱新彼及此文皆是有命奮木鐸警眾使明聽

之事也云木鐸木舌者鐸皆以金為之以木為舌則曰木鐸以金為舌則曰金鐸也云文事奮木鐸者此文乃檀弓并明堂位曰振木鐸於朝天子之禮皆是也又云武事奮金鐸者鼓人云金鐸通鼓大司馬云兩司馬振鐸是也

乃退以宮刑憲禁于王宮憲謂表縣之

若今新有灋令云憲謂至令云釋曰凡刑禁皆出秋官今云憲禁者與布憲

義同故小宰得秋官刑禁文書表而懸之於宮內也

令于百官府曰各修乃職

攷乃灋待乃事以聽王命其有不共則國有大刑

乃猶女也令于至大刑釋曰此經於職未當稟于大宰而令百官謹于此數事以結之

宰夫之職掌治朝之灋以正王及三公六卿大夫

羣吏之位掌其禁令治朝在路門之外其位司士

掌焉宰夫察其不如儀治直吏反註及下之治贊

後皆宰夫至禁令釋曰言掌治朝之法以正王

同三公六卿大夫羣吏之位者案司士云正

朝儀之位辨其貴賤之等王南鄉三公北面東上孤

東面北上卿大夫西面北上王族故士處功在路門

之右南面東上大僕從者在路門之左南面西上此

羣吏即羣士是其位也掌其禁令即察其不如儀耳

治朝至如儀釋曰知此治朝在路門外者燕

朝在路寢庭外朝在庫門外其事希簡非常治政之

所此云治朝是常治事之朝故知是路門外夏官司

士所掌者知察其不如儀者宰夫與司士俱是下大

夫非贊治朝又見經云禁令敘羣吏之治以待賓客

平天掌賓客復迎此即漢尚書職也漢御史大夫領御史十五員受公卿章奏足矣而又有尚書者蓋御史不得常至內庭遂使尚書在內掌四方章奏至武帝遊宴燕後廷不出于五置中書謁者令以宦官為之使之平決尚書事矣

命者宰夫主諸臣萬民之復逆故詩人重之曰家伯維宰玄謂復之言報也反也反報於王謂於朝廷奏

事自下而上曰逆逆謂上書

疏

敘羣至之逆。釋曰此宰夫次敘羣吏諸

臣等之治職卽以待賓客已下三事使之應答不闕於事也言以待賓客之令此一者謂若大宗伯朝覲會同則爲上相肆師云大朝覲佐饗及大小行人掌客掌訝委人遺人之屬皆是待賓客之官使辨理之也云諸臣之復逆此其二者案夏官小臣職云掌三公及孤卿之復逆復逆並掌之此不言逆者但宰夫直次之不掌事故於文略也又案夏官大僕職云掌諸侯之復逆此諸臣中兼之此宰夫恒敘太僕小臣等辨理此復逆之事也云萬民之逆此三也者案夏官御僕職掌羣吏庶民之復逆彼羣吏與此經羣吏爲羣臣別故鄭彼註羣吏府史以下此不言羣吏及復亦是文略也此宰夫次敘御僕使辨理府史萬民復

逆也。

注

恒次至上書。釋曰鄭司農云復請也逆

迎受王命者復是報白之義不得爲請故後鄭不從又王命旣出在下受而行之不得云逆逆者向上之言不爲向下之義故後鄭亦不從云宰夫主諸臣萬民之復逆故詩人重之曰家伯維宰者知彼宰非大宰而當此宰夫者維宰在司徒下膳夫上故知是宰夫也此先鄭以官次第當宰夫案鄭彼註冢宰掌建邦之六典皆卿也不從司農者諸經單稱宰者皆大宰若宰夫無單言宰者故爲大宰解之若然大宰在司徒下者彼以權寵爲次不以尊卑故內史中大夫在膳夫上士之下師氏中大夫在趣馬下士之下玄謂復之言報也反也者謂羣臣受王命使臣行之訖反報於王故云朝廷奏事也云自下而上曰逆者謂自上而下曰順故自下而上曰逆也言上書者則今則此亦皆有上書奏事耳司農於此註復爲請逆爲迎受王命後鄭不從及至夏官大僕先鄭註云復謂奏事逆謂受下奏卽與後鄭義同故彼後鄭從之若

然是先鄭兩解也案內豎云掌外內之通令凡小事
鄭註云內後六宮外卿大夫也使童豎通王內外之
命給小事者以其無與為禮出入便疾內外以大事
聞王則大事俟朝而自復若然何須更有小臣等復
逆乎然者一日萬機或有俟朝自復有大事急
促不得待朝即須非時通傳使聞徹在上者也

官府之徵令辨其八職一曰正掌官灋以治要二曰

師掌官成以治凡三曰司掌官灋以治目四曰旅掌

官常以治數五曰府掌官契以治藏六曰史掌官書

以贊治七曰胥掌官敘以治敘八曰徒掌官令以徵

令別異諸官之八職以備王之徵召所為正辟於

治官則冢宰也治要若歲計也師辟小宰宰夫也治

凡若月計也司辟上士中士治目若今日計也旅辟

下士也治數每事多少異也治藏藏文書及器物贊

治若今起文書草也治敘次序官中如今侍曹伍伯

傳吏朝也徵令趨走給招呼○藏才浪反註治藏同

亦作譬下皆○釋曰言掌百官府之

同傳直專反○徵令辨其八職者謂總王朝三百六

十官以備王之所徵召及施令若不分別其職則徵

召無所指斥故須分辨三百六十職也○一曰正者

正長也六卿下各有屬六十故六卿稱正也云掌官

灋者掌當官之灋也以治要者要謂大計要也○

別異至招呼○釋曰自正已下為入職皆備王招呼

則止亦備王招呼及所為也言正辟於治官則冢宰

也者以其六卿異日或稱大宰或稱司徒之等尊卑

相似正長也每職各為一官之長故總謂之正也以

其六者非一相比辟故以辟言之今舉天官一官言之餘可知云治要若歲計也者案下文歲終云會月終云要旬終云成此歲云要者但六卿下云要不云會以要當會處故以治要為歲計也云司辟小宰宰夫也者以下文四曰旅是下士諸官皆名旅其下士之上者有小宰宰夫故知二曰師當小宰宰夫也言上差次有六卿之下皆有此二者若司徒之下小司徒鄉師之類故亦言辟也二者同名師者六是六者異日尊卑相次故同名師也云治凡若月計者上要既當歲會故治凡當月計曰要之處也云司辟上士中士者此亦是題目有異若大司馬之下上士曰與司馬中士曰行司馬與諸官上士中士不同尊卑相似故總謂之司馬以其各有職司也六官之下同名司故亦云辟也云治目若今日計也者從治要向下以次差之此治目當日計曰成之處故云今日計也云旅辟下士也者此下士既無所兼故存本號曰旅亦是六官下同號曰旅故亦曰辟也云治數每事多

少異也者以上治目當日計此治數無數當下士稱旅聖眾事故以治數為每事多少解之云治藏藏文書及器物者其名曰府府者主以藏物故藏當司文書及當司器物也云贊治若今起文書草也者起文書草乃後判決是為贊治之法故稱贊治也云治敘次序官中者既有才智為什長當次敘官中須人驅役之處則科次其徒故云次敘官中也云如今侍曹伍伯傳吏朝也者漢時五人為伍伯長也是五人之長言傳吏朝者傳在朝羣吏諸官事務於朝也胥為什長亦然故舉漢灋况之也云徵令趨走給招呼者其徒止為在朝趨走供給

掌治灋以攷百官府羣都

縣鄙之治乘其財用之出入凡失財用物辟名者以

官刑詔冢宰而誅之其足用長財善物者賞之

羣

都諸采邑也六遂五百家為鄙五鄙為縣言縣鄙而

詳為文書以空物作見在

六鄉州黨亦存焉乘猶計也財泉穀也用貨賄也物
畜獸也辟名詐為書以空作見文書與實不相應也

官刑在司寇五刑第四者○辟名徐芳石反劉芳益

見賢○治灋考百官府及羣都縣鄙鄉遂之內治功

善惡也言乘計其財用之出入者謂上數處用官物

者當乘計其用財之出入知其多少云凡失財用物

辟名者謂失官家財及用與物三者而辟名者以官

刑詔告冢宰長官誅責之也有足用用之能足長財

財又能長善物物又能善如此者賞之○羣都至

西者○釋曰云羣都諸采邑也者謂大都小都家邑

三處也云六遂五百家為鄙五鄙為縣者遂人云

六鄉州黨亦存焉者六遂在外尚考之六鄉在內考

之可知不言者舉外以包內也云乘猶計也者計者

算灋乘除之名出於此也云財泉穀也者上九賦斂

財賄已釋訖云用貨賄也者案內府云掌受九貢九

賦九功之貨賄以待邦之大用故知用中有貨賄也

云物畜獸也者案獸人云掌畜六牲而阜蕃其物以此知

秋獻獸物又牧人云掌牧六牲而阜蕃其物以此知

物中有畜有獸也云辟名詐為書以空作見文書與

實不相應也者其人失財用物者則詐為文書以空

物作見在文書與實物不相應是罪人也云官刑在

司寇五刑第四者破司寇掌五刑其四曰官刑上能

糾職是也以式灋掌祭祀之戒具與其薦羞從大宰而眡

滌濯

薦脯醢也羞庶羞內羞

○釋曰以式至滌濯者謂祭

祀大小皆有舊法式依而戒敕使共具之云與其薦

羞者謂亦戒其之也云從大宰而眡滌濯者上大宰

職已云祀五帝眡滌濯此宰夫又從大宰眡之也

單言薦者皆是脯醢故知此薦亦脯醢云羞庶羞內

其牢禮謂饗餼之禮陳數
謂以爵等為牢禮所陳之數也

食後所加言內者少牢所謂
房中之羞糗餌粉粢是也
凡禮事贊小宰比官府

之具註比校次之○比如字註同戚毗志反
曰註比校次之○釋

已言以灋掌戒具此宰夫贊小
宰校次之使知善惡足否也
凡朝覲會同賓客以

牢禮之灋掌其牢禮委積膳獻飲食賓賜之殮牽與

其陳數註牢禮之灋多少之差及其時也三牲牛羊

豕具為一牢委積謂牢米薪芻給賓客道用也膳獻

禽羞俶獻也飲食燕饗也鄭司農云殮夕食也春秋

傳曰殮有陪鼎牽牲牢可牽而行者春秋傳曰餼牽

竭矣玄謂殮客始至所致禮凡此禮陳數存可見者

唯有行人掌客及聘禮公食大夫○委積上於僞反

相連皆同此音飲鄭徐於鳩反註同食音嗣註飲食

公食同殮音孫牽一本作賓賜掌皆殮牽于本同俶

昌六註凡朝至陳數○釋曰上大宰云大朝覲會同

反註彼言大謂朝覲為會同而來今此朝覲不言

大則朝覲自是四時常朝及會同皆有賓客也云以

牢禮之灋者五等諸侯來朝天子待之自有常灋若

大行人掌客者也云掌其牢禮者下別言委積之等

則此牢禮謂饗餼之禮若然委積是賓未至時在道

所設聘禮云聘日致饗則饗餼是朝日致之矣今在

委積上者以饗餼是禮之大者故先言之且委積非

直賓來時共之賓去亦共之在下亦其宜若然殮牢

皆殺而云殮牽者以掌客云積視殮牽據積而言之

也○註牢禮至大矣○釋曰云牢禮之灋多少之差

者案大行人上公饗餼九牢饗禮九獻食禮九舉此

等其侯伯降二等以七為節子男又降二等以五為

節也又掌客云上公殮五牢五積侯伯殮四牢四積

及

子男殮三牢三積是其數也云及其時也者案聘禮云賓至大夫帥至于館即言宰夫朝服設殮又云聘日致饗即天子待諸侯亦然其委積者從來至去在道而設之並是時也若然此等之禮並是掌客所主今此復言之者此宰夫雖非正職以其主陳之當知其數故言之耳云三牲牛羊豕具為一牢者此依聘禮卿韋弁歸饗餼於館之時有五牢餼一牢設於西階腥二牢設於東階牽二牢陳于門內之西北首以牛一羊一豕一稱牢此既以經牢禮為饗餼故還引聘禮順饗餼以證之也云委積謂牢米薪芻給賓客道用也者依掌客云積視殮牽殮有芻薪及米明委積在道所設亦有芻米薪蒸也且地官遺人云十里有廬廬有飲食三十里有宿宿有委五十里有市市有積是其委積給客道用也云膳獻禽羞俶獻也者此聘禮記文彼註云禽羞謂成熟有齊和者俶獻也者時珍美新物也俶始也言其始可獻也聘義謂之時賜是也云飲食燕饗也者鄭以燕饗解飲食即是飲入燕饗中不解經中食為食禮者經中言食則食禮

自明今云飲食燕者欲見飲入燕禮可知饗中又兼燕與食以其饗有米有酒故也司農云殮夕食也者先鄭以殮字夕下為之即為夕食但客至即設不要待夕故後鄭不從也云春秋傳曰殮有陪鼎者左氏昭五年楚蕞啓疆曰宴有好貨殮有陪鼎是也云春秋傳曰餼牽竭矣者左氏僖三十三年鄭皇武子辭秦客杞子等云唯是脯資餼牽竭矣是也玄謂殮客始至所致禮者此易先鄭案聘禮客始至大夫帥至于館宰夫朝服設殮不待至夕也云凡此禮陳數存可見者唯有行人掌客及聘禮公食大夫者以儀禮三千條內具有諸侯之禮俱亡滅者多今存可見者周禮之內有大行人掌客是待諸侯之禮儀禮之內有聘禮公食大夫是待聘客之禮皆有陳數考校可知也

凡邦之弔事掌其戒令

與其幣器財用凡所共者

弔事弔諸侯諸臣幣所用賻也器所致明器也凡喪始死弔而含禭葬而賵

贈其間加恩厚則有賻焉春秋譏武氏子來求賻○
附音凡邦至共者○釋曰弔謂王使人弔諸侯自弔
 宰夫總戒令之與其幣器財俎凡所共者也○註弔
 事至求賻○釋曰案大宗伯云以喪禮哀死亡禮記
 檀弓曰君臨臣喪巫祝桃茢執戈惡之也天子之禮
 弔諸臣之法春秋左氏王使榮叔歸舍且賵是有弔
 禮故云弔諸侯諸臣也云幣所用賻也者案公羊傳
 口實曰舍車馬曰賵衣服曰綵幣不入舍綵賵中故
 知是賻也云器所用致明器也者案儀禮既夕禮云
 若就器則坐奠于陳註云就猶善也贈無常唯旣好
 則此贈與人亦是賓客就器而云明器者相對言之
 則檀弓云竹不成用瓦不成味木不成斲琴瑟張而
 不平之等是主人之明器賓客所致者謂之就器就
 成也謂善作之名為就器總而言之皆是神明死者
 之器故此就器亦名明器也云凡喪始死弔而舍綵
 葬而賵贈其間加恩厚則有賻焉言此者欲見賻非

正禮其賻乃是於死者恩厚乃加之故禮記云弔喪
 不能賻不問其所費是恩厚之義也云春秋譏武氏
 子來求賻者隱公三年公羊文案公羊云武氏子來
 求賻何以書譏何譏爾喪事無求求賻非禮何休云
 禮本為有財者制有則送之無則致哀而已不當求
 求則皇皇傷孝子心蓋通於下何休云云爾者嫌天
 子財多不當求下財少可求故明皆不當求鄭引此
 者見王於諸侯諸臣有婦則爾諸侯諸臣亦不得求
 也顏路請子之車孔子不大喪小喪掌小官之戒令
 與亦是不合求故抑之也
帥執事而治之註大喪王后世子也小喪夫人以下
 小官士也其大官則冢宰掌其戒令治謂共辨辨
 反大喪至治之○釋曰其小官士以下則此宰夫
戒令諸官有事者也○大喪至共辨○釋曰
 大宰云大喪贊贈玉舍玉宗伯云朝覲會同則為上
 相大喪亦如之鬱人鬯人俱云大喪之泂典瑞云大

周禮疏
 大喪至治之○釋曰其小官士以下則此宰夫
 戒令諸官有事者也○大喪至共辨○釋曰
 大宰云大喪贊贈玉舍玉宗伯云朝覲會同則為上
 相大喪亦如之鬱人鬯人俱云大喪之泂典瑞云大

喪共飯玉含玉彼皆據喪唯司寇云大喪前王以為
嗣王皆不為后世子喪者彼皆不對小喪此大喪對
小喪亦王所由服故註為王后世子也此不言庶子
文不具云小官士也者宰夫下大夫所掌而言小官
明是士可知云其大官則冢宰掌其戒令者冢宰不
言者文不具云治謂共辨者謂當職合共者供辨之

三公六卿之喪與職喪帥官有司而治之凡諸大夫
之喪使其旅帥有司而治之

註 旅冢宰下士 **疏** 三公
之。釋曰三公六卿喪尊故宰夫與春官職喪帥其
於喪家有事官有司而治之治之亦謂共辨之大夫
之喪卑宰夫不自為使在已之下其旅三十有二人
帥有事於喪家之有司而治之治之亦謂共辨之也

歲終則令羣吏正歲會月終則令正月要旬終則令
正日成而以攷其治治不以時舉者以告而誅之

歲終自周季冬正猶定也旬十日也治不時舉者謂

遲時令失期會 **疏** 歲終至誅之。釋曰言周之

則六十官正歲會正猶定也謂一年會計文書總句
考之歲計曰會也月終則令正月要者謂每月終則
令羣吏正其月要月要謂月計曰要也旬終謂每旬
終則令羣吏正其日成日成謂日計曰成也云而以
攷其治者言會要成總考之云治不以時舉者謂文
書稽滯者故鄭云違時令失期會也云以告而誅之
者謂告冢宰而誅責之也。 **註** 歲終至期會。釋曰
知歲終是周之季冬者以其正月之吉始和彼正月
是周之正月始和布治于天下至今歲終考之是一
歲之終故知非夏之歲終也云正猶定者以其文書
定乃可攷之故為定也云旬十日也者上文云前期
十日少牢云旬有一日旬與十日正同故知旬十日
也 **正歲則以灋警戒羣吏令脩宮中之職事** **註** 警勅

戒之言鄭司農云正歲之正月以灋戒勅羣吏○警
 反○疏正歲至職事。釋曰正歲乃夏之正月是其歲
 始故以灋警戒羣吏令脩宮中之職事以謹勅
 也書其能者與其良者而以告于上○疏良猶善也上

謂小宰大宰也鄭司農云若今時舉孝廉賢良方正

茂才異等○疏書其至于上。釋曰上云令脩宮中之

則豫選之擬至歲終當舉之也。良猶至異等。釋曰知上是小宰大宰者以其承上文歲始未是賞

時且長自告于王知上非王是小宰大宰先鄭云若

今舉孝廉者謂孝弟廉潔賢良即經中良者謂有賢

行而良善也云方正者人雖無別行而有方幅正直

者也云茂才者漢光武諱秀時號為茂才即經云能

者也云異等者四科不同等級各異故云異等此經

據宮中子弟先鄭所云不要宮中之人引之况義耳

宮正掌王宮之戒令糾禁○疏糾猶割也察也○疏糾猶

○釋曰案下經王宮中有官府故掌王宮之戒令之

事有過失者已發則糾而割察之其未發則禁之也

以時比宮中之官府次舍之眾寡○疏時四時比按次

其人之在否官府之在宮中者若膳夫王府內宰內

史之屬次諸吏直宿若今部署諸廬者舍其所居寺

○比徐芳履反一音毗志反註下○疏以時至眾寡

竝同宿戚如字劉息就反下同○疏釋曰以四時按

比宮中見住在王宮中者之官府及宿衛者次舍之

眾寡也。○時四至居寺。○釋曰此時是尋常事故

鄭氏錫曰或問小宰宰夫推廣
 大宰之法而聳動警飭百官
 之治矣而復掌王宮何也曰先
 王之治事權欲合于一而內外
 不容分也蓋宮正宮伯不過掌
 宮中徒役之事子弟宿衛之
 職與官府之在內者耳其間
 位後宿衛又不相關職既不
 能以相統而權又不能相臨統
 而臨之惟太宰為故宮正宮
 伯內宰皆隸於太宰職雖外
 而通於內惟維二而總于一自
 今考之曰建邦之官刑曰治王
 宮之政令曰憲禁于王宮曰修
 宮中之職事則王宮后官無不

在所也自其掌王宮也則在
衛師衛凡宿衛之人皆領之
宮禁之閉藏王后世子之好國
財用之司存皆領之其間多
其豈約用舍去取天子始不
得以自私而小臣亦不得自便
矣自其掌后宮也則六宮之
無王后之限九嬪九御無女官
之別與其禮樂正其服位禁
其奇邪而其間損益增減採
擇進用自無侵竊或移之患
矣蓋世未有家不齊而國可治
國不治而天下可平者太宰之
治所以兼總內外而小宰掌夫
助之所以自齊家以推之治國
而天下無乎不平也

天子之宿衛有二曰即衛曰兵
衛宮正掌宮中官府之版官自
掌三宮士厥子之版所謂即衛
也其大僕司隸虎賁所掌則兵
衛也即衛居守環列之衛也
衛僕從侍從奔趨先後周防
之衛也

之官府是執掌重事美物及飲食乃得在王宮故知
是此人等云次諸吏直宿若今時部署諸廬者此次
謂若匠人云外有九室九卿治之即詩云適子之館
今鄭云卿士所之之館在天子之宮中如今部署諸
廬彼二者與此次為一物此據宮中之官府下宮伯
云授八次八舍鄭註衛王宮者彼據宮中官府子弟
舍也是官府退息之處 **為之版以待** 鄭司農云為
官府次舍之版圖也待待此也玄謂版其人之名籍
待待戒令及比 **為之版以待** 釋曰版謂宿衛人
鄭司農至及比 **為之版以待** 釋曰先鄭以版為官府次舍之版
圖者先鄭於八成註云版名籍圖地圖此註連言圖
其版即名籍與後鄭義同後鄭 **夕擊柝而比之** 釋曰
以為人名籍者增成先鄭義也 **夕擊柝而比之** 釋曰
莫也莫行夜以比直宿者為其有解惰離部署鄭司

農云柝戒守者所擊也易曰重門擊柝以待暴客秦
秋傳曰魯擊柝聞於邾 **柝** 吐各反莫音暮本亦作
皆同解佳賣反情徒帥反離力 **柝** 夕擊柝而比之
智反重直龍反聞音問又如字 **柝** 釋曰既得名籍至
夕暮擊柝校比之恐其解惰也 **柝** 夕莫至於邾
釋曰後鄭云莫行夜以比直宿者謂直宿即坐持更
之人則行夜者擊柝校比直宿人故先鄭云柝戒守
者所擊也易曰者是易繫辭文彼又云蓋取諸豫鄭
玄註云豫坤下震上九四體震又互體有艮艮為門
震日所出亦為門重門象艮又為手巽爻也應在四
皆木也手持二木也手持二木以相敲是為擊柝擊
柝為守備警戒也四又互體為坎坎為盜五離爻為
中冓戈兵盜謂持兵是暴客也又以其卦為豫有守
備則不可自逸是也云春秋傳曰者左氏哀七年秋
魯伐邾茅成子請告于吳不許曰魯擊柝聞於邾吳
二千里不三月不至何及於我引之證擊柝之義也

天子之宿衛有二曰即衛曰兵
衛宮正掌宮中官府之版官自
掌三宮士厥子之版所謂即衛
也其大僕司隸虎賁所掌則兵
衛也即衛居守環列之衛也
衛僕從侍從奔趨先後周防
之衛也

國有故則令宿其比亦如之。鄭司農云故謂禍災

令宿宿衛王宮春秋傳曰忘守必危况有災乎玄謂

故凡非常也文王世子曰公有出疆之政庶子以公

族之無事者守於公宮正室守大廟諸父守貴公貴

室諸子諸孫守下公下室此謂諸侯也王之庶子職

掌國子之倅國有大事則師國子而致於太子唯所

用之者令宿之事蓋亦存焉。○守手又反又音手

國有至如之。○釋曰有故有災禍及王時出行不在

皆是也云則令宿其比亦如之者亦如此夕擊柝已

上之事與平常同也。鄭司至存焉。○釋曰先鄭

引春秋傳者左氏昭十八年夏五月宋衛陳鄭災子

產授兵登陴子太叔曰晉無乃討乎子產曰小國忘

守則危况有災乎彼為則先鄭云必讀字不同也玄

謂故凡非常也文王世子曰公有出疆之政者謂出

朝覲也云庶子以公族之無事者守於公宮者此言

與下為目庶子為諸侯庶子之官掌卿大夫士之適

子名為正室使守太廟太廟尊故也云諸父守貴宮

貴室者謂同族諸為父行者貴宮貴室同為路寢路

寢對太廟生人之尊也云諸子諸孫者亦謂同族之

內諸為子行孫行者也云守下宮下室者下宮謂親

廟四下室謂燕寢也云此謂諸侯也者謂文王世子

文是諸侯灋也云王之庶子職掌國子之倅已下者

是夏官諸子職文云庶子者諸庶一也於諸侯即為

故鄭云令宿之事蓋亦存焉存焉者宿衛之事亦在
唯所用中引之言欲見國有故中有王出疆巡守征
伐皆須令宿增辨外內而時禁鄭司農云分別外

人內人禁其非時出入列反別彼疏辨外內而時禁○
釋曰先鄭云分別

外人內人禁其非時出入者謂住在王宮中有卿大
夫士等外人謂男子內人為婦女皆是也此男子自
相對為外人內人其內人非謂宰稽其功緒糾其德

職所云內人是刑女在宮中者也稽其功緒糾其德
行稽猶考也計也功吏職也緒其志業孟反行下

稽其至德行○釋曰緒業也宮正考計其宮中卿大
夫士功狀及職業多少糾察其在身為德施之為行

也一者幾其出入均其稍食鄭司農云幾其出入若

今時宮中有罪禁止不能出亦不得人及無引籍不

鄭司農義亦不可廢

得入宮計馬殿門也玄謂幾呵其衣服持操及疏數

者稍食祿稟曹反數音朔稟彼錦反鄭司至

曰先鄭引今時者謂漢灋言引籍者有門籍及引人

皆得出入也又云司馬殿門者漢宮殿門每門皆使

司馬一人守門比千石皆號司馬殿門也玄謂幾呵

其衣服持操及疏數者案闈人云喪服凶器不入宮

潛服賊器不入宮奇服怪民不入宮殿門云幾出入

不物者謂衣服視占不與眾同及所操物不如品式

-12 257 38 909" data-label="Text">

者職雖不同皆是守禁此經直云幾其出入明知兼
有此呵其衣服持操及疏數此增成司農義也云稍
食祿稟者稍則稍稍與之則月俸是也則下士食九
人中士倍下士上士倍中士大夫倍上士之類其祿
與之米稟故去其淫怠與其奇衰之民民宮中吏
之家入也淫放濫也怠懈慢也奇衰譎舂非常起呂

反奇音羈徐去宜反表似嗟釋曰此一經竝是吏之
 反亦作邪譎古穴反觚音孤釋曰此一經竝是吏之
 民云淫放濫也怠解慢也為此惡行也云民宮中吏
 之家入也者吏即宅在宮中卿大夫士其家人為此
 惡行也者使之不為即是去也此民謂若秋官隸民
 之類云奇表譎觚非常者兵書有譎觚之人謂譎詐
 祭出觚角非常也
會其什伍而教之道藝
 五人為伍二伍

為什會之者使之輩作輩學相勸帥其寄宿衛之令

鄭司農云道謂先王所以教道民者藝謂禮樂射御

書數徒報反下道導同
 亦兼掌子弟會謂會合其宮中子弟使之以五人為

伍二伍為什必會合之者欲使之宿衛時語言相體

服容相識是其輩作也及其學問又相親及切磋琢磨

磨足其輩學總是相勸帥也云且寄宿衛之令者管

子云因內政寄軍令在家時五家為比在軍還五人
 為伍之類此亦五人為伍二伍為什使之輩學似若
 在家也因使之宿衛以寄軍令也先鄭云道謂先王
 所以教道民者謂若保氏云掌養國子以道而教之
 六藝道則師氏三德三行也藝謂
 禮樂射御書數亦保氏職文也

歲終則會其行事
 行事吏職也釋曰稍食謂官

中官府等月祿故至月終會計之歲凡邦之大事令

終則會計行事吏職當考知功過也

于王宮之官府次舍無去守而聽政令
 使居其處

待所為凡邦至政令
 釋曰邦有大事謂國之大

去守謂使之皆在次舍不得去春秋以木鐸脩火禁

部所守而聽待政令須有所為春秋至火

春謂季春秋謂季秋二時火星出入之時以木鐸警衆使脩火禁也。○**凡**火星至以戒。○釋曰火星則心星也公羊謂之大辰服註春秋云火出於夏為三月於商為四月於周為五月故云以春出也季秋昏時伏於戌火星入故云以秋入云因天時而以戒者此火謂陶冶鑄銅之火因天出火民則為之因天入火民則休之故云因天時戒之也此施火謂宮正於宮中特宜慎火故脩火禁夏官司權云掌行火之政令四時變國火以救時疾下又云時則施火令為禁萊之時故脩火禁也秋官司烜云中春以木鐸脩火禁于國中註云為季春將出火也火禁謂用火之處及備風燥是二月預脩之三月重掌事各有所為不相妨也

凡邦之事蹕宮中廟中則執燭 **凡**鄭司農讀火絕

之云禁凡邦之事蹕國有事主當出則宮正主禁絕行者若今時衛士填街蹕也宮中廟中則執燭宮正

主為王於宮中廟中執燭玄謂事祭事也邦之祭社稷七祀於宮中祭先公先王於廟中隸僕掌蹕止行者宮正則執燭以為明春秋傳曰有大事於太廟又

曰有事於武宮 **凡**釋曰九邦之事謂祭祀之事王當出入來往時

燭○釋曰九邦之事謂祭祀之事王當出入來往時

隸僕與王蹕止行人於宮中及廟中也王出入向二處

當寢晨而行爾時則宮正為王執燭為明也○**凡**鄭

司至武宮○釋曰先鄭讀火絕之則火字向上為句

也其禁自與凡邦之事蹕共為一句宮正既不掌蹕

事若如先鄭所讀則似宮正為王蹕非也云宮中廟中則執燭者若不以邦之事與此宮中為一事則宮中廟中何為事而遣宮正執燭乎亦非也又云若今時衛士填街蹕也者漢儀大駕行幸使衛士填塞街巷以止行人備非常也玄謂事祭事也者謂在宮中

廟中二處皆有祭事也云邦之祭社稷七祀於宮中者小宗伯云左宗廟右社稷在宮中中門之外也依祭灋王為羣姓立七祀曰司命曰中霤曰國行曰國門曰泰厲曰戶曰竈案司門云凡歲時之門受其餘則此七祀等是為羣姓所立者不在宮中也祭灋又云王自為立七祀者此則禱祀在宮中者也云春秋傳曰有大事于太廟者左氏文二年秋八月丁卯大事于太廟是也云又曰有事于武宮者昭十五年春二月癸酉有事於武宮鄭引此者欲見隸僕蹕于宮中亦得兼廟中故公羊云魯公稱世室羣公稱宮則天子之廟亦有宮稱也

大喪則授廬舍辨其親疏貴賤之居

廬倚廬也舍聖室也親者貴者居倚廬疏者賤者居

聖室雜記曰大夫居廬士居聖室

釋曰大喪謂王喪臣子皆為之斬衰則同廬舍所居則異也云授廬舍者總諸臣而辨其親疏貴賤之居

異也○**註**倚廬至聖室○釋曰廬倚廬也者謂於路門之外東壁倚木為廬云舍聖室也者舍對廬故為聖室聖室者兩下為之與廬異故名聖室也云親者貴者居倚廬者親謂大功以上貴謂大夫以上者居倚廬云疏者賤者居聖室者疏謂小功總麻賤謂士二者居聖室知義如此者以其經云辨其親疏貴賤明當如此解之也又引雜記者彼是諸侯之臣其大夫居廬士居聖室彼註士居聖室亦謂邑宰也朝廷之士亦居廬引之者證貴者居廬賤者居聖室一邊之義耳其實為諸侯禮不辨親疏貴賤而別其遠近茲為天子之臣也

宮伯掌王宮之士庶子凡在版者

衛之官版名籍也以版為之今時鄉戶籍謂之戶版

玄謂王宮之士謂王宮中諸吏之適子也庶子其支

庶也。○適音。○疏。○宮伯至版者。○釋曰。宮伯掌王宮中
 在版者子弟皆有名籍以擬按比也。○鄭司至庶
 也。○釋曰。鄭司農云。庶子宿衛之官。謂若夏官諸子
 職後鄭不從者。彼諸子是下大夫。此宮伯中士。不合
 掌之故。不從也。玄謂王宮之士。謂宮中諸吏之適子
 也者。吏謂卿大夫士之總號。云庶子其支庶也者。以
 其宮正掌宮中官府。宮伯掌其子弟。故也。案大司馬
 云。王甲勞其士。庶子文與此同。鄭彼註云。弔其死者
 勞其傷者。庶子卿大夫之子。從軍者。彼士為卿大夫
 士。庶子為卿大夫之子。則兼適庶與此不同者。彼更
 無弔勞卿大夫士身故。上為卿大夫。庶子中兼適庶
 是鄭望文以為義。故註與此不同也。掌其政令。行其秩敘。作其徒役之

事 秩祿稟也。敎才等也。作徒役之事。天子所用。○疏。○
 掌其至之事。○釋曰。宮伯既掌士庶子。所以有政令
 盡掌之也。行其秩敘者。秩謂依班秩受祿。敎者才藝

高下為次第。以作其徒役者。士庶子屬。天子隨其所用。使役之也。授八次八舍之職

事 衛王宮者必居四角四中。於微候便也。鄭司農

云。庶子衛王宮。在內為次。在外為舍。玄謂次其宿衛

所在舍。其休沐之處。○微古弔反。○疏。○衛王至之處

宮者必居四角四中者。以其言八。似若八方。為四方
 四維。然以四角四中解之。必於八。所以為次舍者。相
 微察來往。候望皆便。故次舍皆八也。司農云。庶子衛
 王宮。在內為次。在外為舍。者。庶子義上已破。訖先鄭
 意。內次外舍有所隔絕。故後鄭不從也。玄謂次其宿
 衛所在者。謂宿衛之處。稍在前為之館也。舍者若掌
 舍之舍。亦舍息休止之處也。若邦有大事。作宮眾則令之

註 謂王宮之士。庶子於邦有大事。或選當行。○疏。○若邦

之。釋曰事亦謂寇戎之事作起也謂起
宮中之眾使士庶子行則宮伯戒令之
月終則均

秩歲終則均敘以時頒其衣裘掌其誅賞
頒讀為

班班布也衣裘若今賦冬夏衣
音班
頒
月終至誅賞

則均其秩秩祿稟則與宮正均稍食亦一也歲終則
均敘與宮正則異彼宮中官府故會其行事此其子

弟故均其敘敘即上註才等也以時頒其衣裘夏時
班衣冬時班裘掌其誅賞者士庶子有功則賞之有

罪即誅之也。若今賦冬夏衣。釋曰賦班也班之與賦皆賜授之義

周禮註疏卷第三

